



## IZVJEŠTAJ O FINANSIJSKOJ REVIZIJI

# OPĆINE ILIJAŠ

# 2020.

Broj: 01-02-07-11-2-2519-6/20



Sarajevo, septembar 2021.





**SADRŽAJ**

<b>I</b>	<b>IZVJEŠTAJ NEZAVISNOG REVIZORA.....</b>	<b>1</b>
1.	<b>IZVJEŠTAJ O REVIZIJI FINANSIJSKIH IZVJEŠTAJA .....</b>	<b>1</b>
2.	<b>IZVJEŠTAJ O REVIZIJI USKLAĐENOSTI.....</b>	<b>2</b>
<b>II</b>	<b>REZIME DATIH PREPORUKA .....</b>	<b>4</b>
<b>III</b>	<b>KRITERIJI ZA FINANSIJSKU REVIZIJU .....</b>	<b>5</b>
<b>IV</b>	<b>IZVJEŠTAJ O REVIZIJI .....</b>	<b>6</b>
1.	<b>UVOD .....</b>	<b>6</b>
2.	<b>PREDMET, CILJ I OBIM REVIZIJE .....</b>	<b>6</b>
3.	<b>PRAĆENJE PRIMJENE PREPORUKA I ANALIZA PODUZETIH MJERA.....</b>	<b>7</b>
4.	<b>SISTEM INTERNIH KONTROLA .....</b>	<b>7</b>
5.	<b>PLANIRANJE, DONOŠENJE BUDŽETA I IZVJEŠTAVANJE .....</b>	<b>8</b>
6.	<b>FINANSIJSKI IZVJEŠTAJI.....</b>	<b>9</b>
6.1	<b>GODIŠNJI IZVJEŠTAJ O IZVRŠENJU BUDŽETA.....</b>	<b>9</b>
6.1.1	<b>Prihodi i primici .....</b>	<b>9</b>
6.1.1.1	<b>Prihodi od poreza.....</b>	<b>9</b>
6.1.1.2	<b>Neporezni prihodi .....</b>	<b>9</b>
6.1.1.3	<b>Primljeni transferi i donacije.....</b>	<b>10</b>
6.1.1.4	<b>Primici od prodaje stalnih sredstava.....</b>	<b>11</b>
6.1.2	<b>Rashodi, izdaci i finansiranje .....</b>	<b>11</b>
6.1.2.1	<b>Plaće i naknade troškova zaposlenih .....</b>	<b>11</b>
6.1.2.2	<b>Izdaci za materijal, sitan inventar i usluge .....</b>	<b>12</b>
6.1.2.3	<b>Tekući transferi i drugi tekući rashodi.....</b>	<b>13</b>
6.1.2.4	<b>Kapitalni transferi.....</b>	<b>14</b>
6.1.2.5	<b>Izdaci za nabavku stalnih sredstava .....</b>	<b>16</b>
6.1.3	<b>Finansijski rezultat .....</b>	<b>16</b>
6.2	<b>BILANS STANJA.....</b>	<b>17</b>
6.2.1	<b>Gotovina, kratkoročna potraživanja i razgraničenja.....</b>	<b>17</b>
6.2.2	<b>Stalna sredstva .....</b>	<b>18</b>
6.2.3	<b>Kratkoročne obaveze i razgraničenja .....</b>	<b>19</b>
6.2.4	<b>Dugoročne obaveze.....</b>	<b>19</b>
6.3	<b>IZVJEŠTAJ O NOVČANIM TOKOVIMA.....</b>	<b>19</b>
7.	<b>JAVNE NABAVKE .....</b>	<b>19</b>
8.	<b>SUDSKI SPOROVI .....</b>	<b>20</b>
9.	<b>KOMENTARI NA NACRT IZVJEŠTAJA .....</b>	<b>20</b>
<b>V</b>	<b>PRILOG: GODIŠNJI FINANSIJSKI IZVJEŠTAJI .....</b>	<b>22</b>
	<b>Godišnji izvještaj o izvršenju budžeta za 2020. godinu .....</b>	<b>23</b>
	<b>Bilans stanja na 31. 12. 2020. godine.....</b>	<b>26</b>
	<b>Izvještaj o novčanim tokovima za period izvještavanja od 1. 1. do 31. 12. 2020. godine.....</b>	<b>27</b>



## I IZVJEŠTAJ NEZAVISNOG REVIZORA

Izvještaj nezavisnog revizora daje se na osnovu provedene finansijske revizije, koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

### 1. IZVJEŠTAJ O REVIZIJI FINANSIJSKIH IZVJEŠTAJA

#### *Mišljenje s rezervom*

Izvršili smo reviziju finansijskih izvještaja **Općine Ilijaš (u daljem tekstu: Općina)**, koji obuhvataju: Bilans stanja na 31. 12. 2020. godine, Račun prihoda i rashoda, Izvještaj o novčanim tokovima, Izvještaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta za godinu koja se završava na taj dan, te Analizu iskaza – tekstualni dio, uključujući i rezime značajnih računovodstvenih politika.

Prema našem mišljenju, osim za moguće efekte pitanja opisanog u odjeljku *Osnova za mišljenje s rezervom*, finansijski izvještaji istinito i fer prikazuju, u svim materijalnim aspektima, finansijski položaj Općine na 31. 12. 2020. godine, novčane tokove i izvršenje budžeta za godinu koja se završava na taj dan, u skladu s prihvaćenim okvirom finansijskog izvještavanja.

#### *Osnova za mišljenje s rezervom*

*Kao što je navedeno u Izvještaju:*

- Izdaci za izgradnju Gradskog stadiona u iznosu od 488.128 KM planirani su i knjigovodstveno iskazani kao kapitalni transferi, iako se radi o ulaganjima u stalna sredstva koja će biti u potpunom ili djelimičnom vlasništvu Općine. Navedeno nije u skladu s Pravilnikom o knjigovodstvu budžeta u FBiH i Računovodstvenim politikama za budžetske korisnike i Trezor (tačke 6.1.2.4 i 6.2.2 Izvještaja).**

Reviziju smo obavili u skladu sa Zakonom o reviziji institucija u Federaciji Bosne i Hercegovine i primjenjivim Međunarodnim standardima vrhovnih revizionih institucija (ISSAI). Naše odgovornosti prema tim standardima detaljnije su opisane u odjeljku *Odgovornost revizora za reviziju finansijskih izvještaja*.

Nezavisni smo od Općine u skladu s ISSAI-jem 130 – Etički kodeks, te u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizorski dokazi koje smo pribavili dovoljni i odgovarajući da osiguraju osnovu za naše mišljenje s rezervom.

#### *Odgovornost rukovodstva za finansijske izvještaje*

Rukovodstvo Općine odgovorno je za izradu i fer prezentaciju finansijskih izvještaja, u skladu s prihvaćenim okvirom finansijskog izvještavanja u Federaciji Bosne i Hercegovine. Ova odgovornost podrazumijeva i kreiranje, primjenu i održavanje internih kontrola, relevantnih za pripremu i prezentaciju finansijskih izvještaja koji ne sadrže materijalno značajne pogrešne iskaze usljed prevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena koje su razumne u datim okolnostima.

### ***Odgovornost revizora za reviziju finansijskih izvještaja***

Naši ciljevi su steći razumno uvjerenje o tome da li su finansijski izvještaji kao cjelina bez značajnog pogrešnog prikaza usljed prevare ili greške, kao i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija, obavljena u skladu s Međunarodnim standardima vrhovnih revizionih institucija, uvijek otkriti značajno pogrešno prikazivanje kada ono postoji. Pogrešni prikazi mogu nastati usljed prevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donesene na osnovu tih finansijskih izvještaja.

Kao dio revizije, u skladu s Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikazivanja finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja, nastalog usljed prevare, veći je od rizika nastalog usljed greške, jer prevara može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola Općine;
- ocjenjujemo primjerenost korištenih računovodstvenih politika i razumnost računovodstvenih procjena, kao i povezanih objava rukovodstva;
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s rukovodstvom, između ostalih pitanja, i u vezi s planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom revizije.

## **2. IZVJEŠTAJ O REVIZIJI USKLAĐENOSTI**

### ***Mišljenje***

Uz reviziju finansijskih izvještaja **Općine Ilijaš za 2020. godinu**, izvršili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, aktivnosti, finansijske transakcije i informacije **Općine za 2020. godinu** u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.

### ***Osnova za mišljenje***

Reviziju usklađenosti izvršili smo u skladu sa Zakonom o reviziji institucija u Federaciji Bosne i Hercegovine i ISSAI-jem 4000 – Standard za reviziju usklađenosti. Naše odgovornosti prema ISSAI standardima detaljnije su opisane u odjeljku *Odgovornost revizora za reviziju usklađenosti*.

Nezavisni smo od Općine u skladu s ISSAI-jem 130 – Etički kodeks, kao i u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizorski dokazi koje smo pribavili dovoljni i odgovarajući da osiguraju osnovu za naše mišljenje.

### **Odgovornost rukovodstva za upravljanje za usklađenost**

Pored odgovornosti za pripremu i fer prezentaciju finansijskih izvještaja, rukovodstvo Općine odgovorno je da osigura da aktivnosti, finansijske transakcije i informacije budu u skladu s propisima kojima su regulisane i potvrdi da je tokom fiskalne godine obezbijedilo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

### **Odgovornost revizora za reviziju usklađenosti**

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura kako bi pribavili revizijske dokaze o tome da li se sredstva koriste za odgovarajuće namjene i da li je poslovanje Općine, prema definisanim kriterijima, usklađeno sa zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 1. 9. 2021. godine

ZAMJENIK GENERALNOG REVIZORA

Dragan Kolobarić

*Dragan Kolobarić*



GENERALNI REVIZOR

Dževad Nekić

*Dževad Nekić*

## II REZIME DATIH PREPORUKA

REDNI BROJ	PREPORUKE	BROJ POGLAVLJA
1.	Poduzeti aktivnosti prema Poreznoj upravi FBiH kako bi se glavni identifikacioni broj dodijelio samo Općini kao pravnom licu.	tačka 4.
2.	Pravilnikom o unutrašnjoj organizaciji i sistematizaciji sistematizovati i popuniti jedinicu za internu reviziju u skladu sa Zakonom o internoj reviziji u FBiH.	tačka 4.
3.	Angažovanje izvršilaca za obavljanje redovnih poslova vršiti u skladu sa Zakonom o državnoj službi u Kantonu Sarajevo i Zakonom o namještenicima u organima u organima državne službe u FBiH.	tačka 6.1.2.2
4.	Poreze i doprinose na naknade za rad zaposlenika u komisijama obračunavati kao oporezivi prihod od nesamostalne djelatnosti, u skladu s važećim propisima.	tačka 6.1.2.2
5.	Izdatke za održavanje cesta i ulaganja u imovinu Općine planirati i realizirati na propisanim pozicijama, u skladu s Pravilnikom o knjigovodstvu budžeta u FBiH.	tačka 6.1.2.4
6.	Osigurati da se stalna sredstva Općine, kao i njihovo povećanje vrijednosti, knjigovodstveno evidentiraju na osnovu vjerodostojne dokumentacije, u skladu s Pravilnikom o knjigovodstvu budžeta u FBiH.	tačka 6.2.2



### III KRITERIJI ZA FINANSIJSKU REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi reviziju finansijskih izvještaja i reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetima u FBiH;
  - Uredba o računovodstvu budžeta u FBiH;
  - Pravilnik o knjigovodstvu budžeta u FBiH;
  - Pravilnik o finansijskom izvještavanju i godišnjem obračunu budžeta u FBiH;
- Zakon o računovodstvu i reviziji u FBiH;
- Budžet Općine Ilijaš za 2020. godinu;
- Odluka o izvršavanju Budžeta Općine Ilijaš za 2020. godinu;
- Zakon o principima lokalne samouprave u FBiH;
- Statut Općine Ilijaš;
- Zakon o trezoru u FBiH;
- Zakon o javnim nabavkama;
- Zakon o plaćama i naknadama u organima vlasti FBiH;
- Zakon o državnoj službi u Kantonu Sarajevo;
- Zakon o namještenicima u organima državne službe u FBiH;
- Zakon o porezu na dohodak;
- Zakon o doprinosima;
- Zakon o finansijskom upravljanju i kontroli u javnom sektoru u FBiH;
- Zakon o internoj reviziji u javnom sektoru u FBiH;
- kao i drugi podzakonski akti navedenih zakona.



## IV IZVJEŠTAJ O REVIZIJI

### 1. UVOD

**Općina Ilijaš** je jedinica lokalne samouprave u sastavu Kantona Sarajevo, uspostavljena Zakonom o principima lokalne samouprave u FBiH. Njene nadležnosti utvrđene su Ustavom FBiH, Ustavom Kantona Sarajevo, spomenutim Zakonom i Statutom Općine.

Općina obavlja poslove kojima se neposredno ostvaruju potrebe građana, a naročito: osiguranje i zaštita ljudskih prava i osnovnih sloboda; donošenje budžeta; donošenje programa i planova razvoja Općine; utvrđivanje i provođenje politike uređenja prostora i zaštite okoline; donošenje prostornih, urbanističkih i provedbenih planova; utvrđivanje i provođenje stambene politike; utvrđivanje i vođenje politike raspolaganja, korištenja i upravljanja građevinskim zemljištem; upravljanje i raspolaganje imovinom; upravljanje, finansiranje i unapređenje djelatnosti i objekata lokalne komunalne infrastrukture (vodosnabdijevanje, prikupljanje i odlaganje čvrstog otpada, javna čistoća, lokalna groblja, lokalni putevi i mostovi, ulična rasvjeta, javna parkirališta, parkovi); donošenje propisa o porezima, naknadama, doprinosima i taksama iz nadležnosti; odlučivanje o zaduženju; lokalni javni prevoz; predškolsko i osnovno obrazovanje; kultura i sport, kao i druge poslove od lokalnog značaja, koji nisu isključeni iz nadležnosti, niti su dodijeljeni u nadležnost nekog drugog nivoa vlasti.

Organi Općine su Općinsko vijeće i načelnik. Općinsko vijeće je organ odlučivanja i predstavnički organ građana i ima 25 vijećnika. Načelnik je izvršni organ Općine, koji je predstavlja i zastupa, donosi akte iz svoje nadležnosti, predlaže odluke i druge akte Općinskom vijeću. Vijećnici i načelnik biraju se na mandat od četiri godine neposredno na izborima, u skladu s Izbornim zakonom BiH.

Funkciju načelnika obavlja Akif Fazlić, koji je reimenovan na lokalnim izborima 2020. godine.<sup>1</sup>

Poslovi iz nadležnosti Općine obavljaju se u okviru osnovnih organizacionih jedinica – Službi za: opću upravu, boračko-invalidsku i socijalnu zaštitu; saobraćaj, stambeno-komunalne poslove i građenje; privredu i finansije; prostorno uređenje i zaštitu okoliša; imovinsko-pravne poslove, geodetske poslove i katastar; društvene djelatnosti i poslove mjesnih zajednica; civilnu zaštitu; zajedničke poslove i Stručna služba općinskog vijeća i općinskog načelnika. Unutrašnja organizacija utvrđena je Pravilnikom o unutrašnjoj organizaciji i sistematizaciji poslova Općine, kojim su sistematizovana 93 radna mjesta, a sa 31. 12. 2020. godine popunjena su 74 radna mjesta.

Sjedište Općine je u Ulici 126. Ilijaške brigade broj 6.

### 2. PREDMET, CILJ I OBIM REVIZIJE

Predmet revizije su finansijski izvještaji Općine za 2020. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i da li bilanci u potpunosti odražavaju rezultate izvršenja budžeta. Revizijom će se procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu s internim planskim dokumentima, u periodu od januara do augusta 2021. godine, s prekidima.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

---

<sup>1</sup> Uvjerjenje o imenovanju na lokalnim izborima 2020. godine, broj 06-1-07-01-2103-2-92/20 od 15. 12. 2020. godine





### 3. PRAĆENJE PRIMJENE PREPORUKA I ANALIZA PODUZETIH MJERA

Ured za reviziju institucija u FBiH izvršio je finansijsku reviziju Općine za 2002. godinu, sačinio Izvještaj o izvršenoj reviziji i dao mišljenje s rezervom. Imajući u vidu značajan protok vremena i izmjenu zakonskih propisa na osnovu kojih su date preporuke, u finansijskoj reviziji za 2020. godinu nismo ocjenjivali postupanje po datim preporukama.

Nakon izvršene revizije za 2020. godinu dato je ukupno šest preporuka.

### 4. SISTEM INTERNIH KONTROLA

Cilj sistema internih kontrola je da osigura razumno uvjerenje da Općina u poslovanju upravlja javnim sredstvima zakonito, transparentno, ekonomično, efikasno i efektivno, odnosno da interne kontrole funkcionišu u skladu s važećom regulativom.

#### *Finansijsko upravljanje i kontrola*

Finansijsko upravljanje i kontrola je sveobuhvatan sistem internih kontrola koji uspostavljaju i za koji su odgovorni rukovodioci korisnika javnih sredstava, a kojim se upravljajući rizicima osigurava razumno uvjerenje da će se u ostvarivanju ciljeva budžetska i druga sredstva koristiti pravilno, ekonomično, efikasno i efektivno. Sistem internih kontrola uspostavlja se donošenjem internih propisa i akata u skladu s važećom regulativom.

Zakon o finansijskom upravljanju i kontroli u javnom sektoru u FBiH,<sup>2</sup> Pravilnik o provođenju finansijskog upravljanja i kontrole u javnom sektoru u FBiH<sup>3</sup> i Standardi interne kontrole u javnom sektoru u FBiH<sup>4</sup> nalažu uspostavljanje, vođenje i procjenu sistema internih kontrola na osnovu COSO modela.<sup>5</sup>

Rukovodstvo Općine je odgovorno za izradu internih propisa o finansijskom upravljanju i kontroli i za njegovu implementaciju u svim organizacionim jedinicama u odnosu na sve programe i procese koji se izvršavaju, poštujući principe zakonitosti, finansijskog upravljanja i transparentnosti u skladu sa standardima interne kontrole. S tim u vezi, donesen je određeni broj internih akata iz nadležnosti, kojim je uređeno poslovanje i postupanje zaposlenika u obavljanju poslova na koje su raspoređeni i koji su im dodijeljeni.

Pravilnikom o unutrašnjoj organizaciji i sistematizaciji poslova Općine utvrđena je organizaciona struktura, sistematizacija radnih mjesta s opisom radnih mjesta i propisanim uslovima za obavljanje poslova, kao i druga pitanja od značaja za organizaciju i rad.

U skladu sa Zakonom o finansijskom upravljanju i kontroli u javnom sektoru u FBiH, 2018. godine imenovan je koordinator za finansijsko upravljanje i kontrolu. Odlukom načelnika iz juna 2019. godine odobrena je implementacija i upotreba Mape procesa Općine. Također, kao dio uspostave sistema finansijskog upravljanja i kontrole Općina je 2019. godine donijela Strategiju upravljanja rizika u okviru koje je izvršena i njihova procjena. **Shodno navedenom, Općina je uspostavila sistem internih kontrola u skladu sa Zakonom o finansijskom upravljanju i kontroli u javnom sektoru u FBiH.**

Računovodstvenim politikama Općine nisu uređeni specifični poslovni događaji (ulaganje u infrastrukturu, priznavanje namjenskih prihoda i sl.).

U svrhu uspostave trezorskog sistema poslovanja načelnik je 2011. godine donio zaključak o otvaranju jedinstvenog računa trezora Općine. Pravilnik o uspostavljanju i vođenju glavne knjige trezora Općine donesen je 2018. godine.

---

<sup>2</sup> „Sl. novine FBiH“, br. 38/16

<sup>3</sup> „Sl. novine FBiH“, br. 6/17

<sup>4</sup> „Sl. novine FBiH“, br. 75/16

<sup>5</sup> COSO model je općeprihvaćeni međunarodni model za uspostavljanje, vođenje i procjenu sistema internih kontrola koji čini pet međusobno povezanih komponenti: kontrolno okruženje, procjena rizika, kontrolne aktivnosti, informacije i komunikacije, praćenje i procjena. Ovaj model definiše internu kontrolu kao postupke koje poduzima rukovodstvo zajedno sa zaposlenicima institucije koja je osmišljena da osigura razumno uvjerenje da se postizanje ciljeva poslovanja odvija putem efikasnih i efektivnih procesa, da je osigurana pouzdanost finansijskog izvještavanja, kao i usklađenost sa važećom regulativom.



U skladu s članom 6. Zakona o principima lokalne samouprave, Općina kao jedinica lokalne samouprave ima svojstvo pravnog lica. Međutim, i Općinsko vijeće je porezno registrovano kao pravno lice (dodijeljen mu je glavni identifikacioni broj), što nije u skladu sa Zakonom o principima lokalne samouprave u FBiH i Statutom Općine. Kao budžetski korisnici u Registru budžetskih korisnika Općine, sa glavnim identifikacionim brojem, utvrđeni su Jedinstveni općinski organ uprave (JOOU) i Općinsko vijeće. **Za ove budžetske korisnike nije uspostavljeno posebno knjigovodstvo, a samim tim ne sačinjavaju se ni posebni finansijski izvještaji.**

**Izjava o fiskalnoj odgovornosti** sačinjena je i dostavljena Ministarstvu finansija Kantona Sarajevo u skladu s Pravilnikom o obliku i sadržaju, načinu popunjavanja i predaje izjave o fiskalnoj odgovornosti.

**Preporuka:**

- **poduzeti aktivnosti prema Poreznoj upravi FBiH kako bi se glavni identifikacioni broj dodijelio samo Općini kao pravnom licu.**

### **Interna revizija**

U skladu sa Zakonom o internoj reviziji u javnom sektoru u Federaciji BiH i Pravilnikom o kriterijima za uspostavu jedinice za internu reviziju u javnom sektoru u Federaciji BiH,<sup>6</sup> Općina je bila obavezna uspostaviti Jedinicu za internu reviziju. Pravilnikom o unutrašnjoj organizaciji i sistematizaciji poslova nije utvrđena interna revizija kao organizaciona jedinica Općine. **Općina nije uspostavila jedinicu interne revizije, što nije u skladu s propisima koji uređuju ovu oblast.**

**Preporuka:**

- **Pravilnikom o unutrašnjoj organizaciji i sistematizaciji sistematizovati i popuniti jedinicu za internu reviziju u skladu sa Zakonom o internoj reviziji u FBiH.**

### **Prevenција korupcije**

Akcioni plan u borbi protiv korupcije Općina je donijela 2018. godine, a 2019. godine donesen je Pravilnik o postupanju po podnescima sa indicijama koruptivnog ponašanja kojim se definiše da se ovi podnesci dostavljaju Komisiji za postupanje po prijavama koja je imenovana rješenjem načelnika. U okviru Pravilnika, definisan je i Obrazac za prijavu korupcije i drugih nepravilnosti. U 2021. godini potpisan je i Sporazum o saradnji na provođenju aktivnosti koje imaju za cilj prevenciju i borbu protiv korupcije sa Uredom za borbu protiv korupcije Kantona Sarajevo.

## **5. PLANIRANJE, DONOŠENJE BUDŽETA I IZVJEŠTAVANJE**

Budžet Općine za 2020. godinu i Odluku o izvršavanju Budžeta Općine za 2020. godinu Općinsko vijeće usvojilo je 30. 12. 2019. godine u iznosu od 15.601.950 KM. Budžet Općine je u toku godine imao dvije izmjene, i to u junu (14.209.550 KM) i u septembru (14.930.000 KM), kao i tri Odluke o prestrukturiranju rashoda.<sup>7</sup>

Drugim izmjenama i dopunama Budžeta Općine planirani su prihodi od poreza u iznosu od 5.190.000 KM, neporezni prihodi od 2.148.000 KM, primljeni transferi i donacije u iznosu od 4.279.000 KM i kapitalni primici od prodaje stalnih sredstava u iznosu od 730.000 KM. Također, na prenesenim sredstvima u Budžetu Općine iskazan je iznos od 2.583.000 KM, koji se odnosi na raspodjelu neraspoređenog viška prihoda nad rashodima. Na rashodovnoj strani planirani su tekući rashodi (6.064.650 KM), kapitalni transferi (5.120.300 KM), izdaci za nabavku stalnih sredstava (3.518.850 KM), izdaci za otplate dugova (162.200 KM) i tekuća rezerva (64.000 KM).

---

<sup>6</sup> „Sl. novine FBiH“, br. 82/13 i 74/14 (stavljen van snage donošenjem novog Pravilnika „Sl. novine FBiH“, br. 49/20)

<sup>7</sup> Odluka o prestrukturiranju rashoda: od 22. 10. 2020. godine u iznosu od 20.000 KM, od 29. 10. 2020. godine u iznosu od 5.000 KM i od 25. 12. 2020. godine u iznosu od 4.500 KM.

Na poziciji kapitalnih transfera planirana su ulaganja u iznosu od 1.000.000 KM za projekat izgradnje Gradskog stadiona, kao i izdaci za tekuće održavanje cesta u nadležnosti Općine. Navedena planirana ulaganja i izdaci ne predstavljaju nepovratna davanja u svrhu nabavke kapitalne (dugotrajne, stalne) imovine i kapitalnih ulaganja koja predstavljaju stalno sredstvo nekog drugog pravnog lica, te shodno tome nisu planirani i iskazani u skladu s kontnim planom koji je dio Pravilnika o knjigovodstvu budžeta u FBiH (tačke 6.1.2.4 i 6.1.2.5 Izvještaja).

Izvještaj o izvršenju Budžeta Općine za 2020. godinu Općinsko vijeće usvojilo je 30. 3. 2021. godine.

## 6. FINANSIJSKI IZVJEŠTAJI

Općina je sačinila Godišnji finansijski izvještaj za 2020. godinu i dostavila ga nadležnim organima i institucijama, u skladu s propisima, u utvrđenom roku.

U Analizi iskaza, sačinjenoj uz godišnje računovodstvene izvještaje, obrazloženo je izvršenje budžeta u skladu s Pravilnikom o finansijskom izvještavanju i godišnjem obračunu budžeta u FBiH.

### 6.1 GODIŠNJI IZVJEŠTAJ O IZVRŠENJU BUDŽETA

#### 6.1.1 Prihodi i primici

U Godišnjem izvještaju o izvršenju budžeta za 2020. godinu ukupno ostvareni prihodi i primici iskazani su u iznosu od 12.142.306 KM. Strukturu prihoda čine: prihodi od poreza (5.660.448 KM), primljeni transferi (3.872.634 KM), neporezni prihodi (2.089.256 KM) i primici u iznosu od 519.968 KM.

##### 6.1.1.1 Prihodi od poreza

Prihodi od poreza se najvećim dijelom odnose na prihode od indirektnih poreza u iznosu od 3.959.636 KM i prihode od poreza na imovinu u iznosu od 1.637.368 KM.

##### 6.1.1.2 Neporezni prihodi

Neporezni prihodi iskazani su u iznosu od 2.089.256 KM, a odnose se na naknade, takse i prihode od pružanja javnih usluga (2.052.321 KM), prihode od poduzetničke aktivnosti i imovine (36.710 KM) i novčane kazne (225 KM).

**Naknade, takse i prihodi od pružanja javnih usluga** najvećim dijelom čine: ostale budžetske naknade (1.331.294 KM), posebne naknade i takse (451.061 KM) i komunalne takse (229.147 KM).

U okviru ostalih budžetskih naknada najznačajniji su prihodi od: naknade po osnovu prirodnih pogodnosti – renta (674.671 KM), naknade za uređenje građevinskog zemljišta (320.397 KM) i naknade za korištenje državnih šuma (135.276 KM).

*Prihodi od naknade po osnovu prirodnih pogodnosti – renta i prihodi od naknade za uređenje građevinskog zemljišta* regulisani su Odlukom Općinskog vijeća o utvrđivanju prosječne građevinske cijene 1 m<sup>2</sup> korisne stambene površine u stambenoj izgradnji na području Općine i Odlukom o visini bazne cijene za određivanje naknade za uređenje građevinskog zemljišta na području općine, koje se donose na godišnjem nivou. Na osnovu prosječne građevinske cijene korisne stambene površine po m<sup>2</sup> utvrđuje se početna visina naknade za pogodnosti građevinskog zemljišta – renta, po zonama. Za 2020. godinu prosječna građevinska cijena 1 m<sup>2</sup> korisne stambene površine u stambenoj izgradnji na području Općine iznosi 1.100 KM, dok je prosječna cijena uređenja građevinskog zemljišta po 1 m<sup>2</sup> korisne površine na području Općine utvrđena u iznosu od 200 KM. Općina izdaje rješenja kojima se utvrđuje iznos rente i prateće naknade za uređenje građevinskog zemljišta, kao i način plaćanja. U određenim slučajevima iznos rente se plaća u ratama u skladu s Odlukom o građevinskom zemljištu,<sup>8</sup> a Općina osiguranje uplate duga većinom definiše zaključivanjem ugovora o hipoteci nad nekretninom za koju se renta plaća. Ovi prihodi se vode na posebnom namjenskom računu i namjenski se reinvestiraju za uređenje zemljišta u skladu sa Zakonom o građevinskom zemljištu FBiH.<sup>9</sup>

<sup>8</sup> „Sl. novine KS“, br. 2/20

<sup>9</sup> „Sl. novine FBiH“, br. 25/03, 16/04, 67/05



Prihodi od naknade za korištenje državnih šuma ostvaruju se u skladu sa Zakonom o šumama Kantona Sarajevo,<sup>10</sup> kojim je propisano da je korisnik državnih šuma dužan plaćati naknadu za njihovo korištenje u visini od 6% od ostvarenog prihoda od drveta, koji se u iznosu od 5% uplaćuje na depozitni račun općine na čijem području je ostvaren.

Općina je 2. 7. 2020. godine zaključila Sporazum o načinu izmirenja duga po osnovu naknade za korištenje državnih šuma za 2019. godinu i prvi kvartal 2020. godine sa KJP „Sarajevo-šume“, kojim je definisano plaćanje ukupnog duga u iznosu od 189.905 KM u 12 mjesečnih rata. Uplate su se u 2020. godini vršile u skladu sa zaključenim Sporazumom. Sredstva su korištena za održavanje šumskih i ostalih puteva i cestovne infrastrukture.

Posebne naknade i takse najvećim dijelom odnose se na naknade i takse za vršenje usluga iz oblasti premjera i katastra (184.313 KM) koji se ostvaruju u skladu s Odlukom o naknadama za vršenje usluga iz oblasti premjera i katastra<sup>11</sup> i usvojenim tarifnikom, i na cestovne naknade (168.585 KM).

Komunalne naknade i takse odnose se na općinske komunalne takse za istaknutu firmu koje se ostvaruju na osnovu Odluke Općinskog vijeća o visini komunalnih taksi iz 2018. godine. Obveznici plaćanja takse su sva pravna i fizička lica registrovana za obavljanje djelatnosti ili vlasnici firme na području općine. Kriteriji za utvrđivanje, obračun i naplatu takse su vrsta djelatnosti i lokacija. Takse se plaćaju u godišnjim iznosima od 50 KM do 15.000 KM, a razrez i naplatu takse vrši Porezna uprava FBiH.

### 6.1.1.3 Primljeni transferi i donacije

Primljeni transferi i donacije iskazani su u iznosu od 3.872.634 KM, a njihovu strukturu čine primljeni kapitalni transferi od ostalih nivoa vlasti i fondova (2.869.646 KM), primljeni tekući transferi od ostalih nivoa vlasti (966.238 KM), donacije (29.000 KM) i primljeni kapitalni transferi iz nevladinih izvora (7.750 KM).

Primljeni kapitalni transferi od ostalih nivoa vlasti i fondova odnose se na primljena namjenska sredstva od kantona (2.820.503 KM), općina (30.000 KM) i FBiH (19.143 KM).

Primljeni kapitalni transferi od kantona odnose se na primljena sredstva od ministarstava Kantona Sarajevo za sufinansiranje kapitalnih projekata, i to od: Ministarstva privrede (826.544 KM), Ministarstva komunalne privrede i infrastrukture (614.892 KM), Ministarstva kulture i sporta (476.151 KM), Kantonalne uprave za šumarstvo pri Ministarstvu privrede (367.916 KM), Ministarstva saobraćaja (250.000 KM), Ministarstva prostornog uređenja (200.000 KM), Ministarstva za obrazovanje, nauku i mlade (70.000 KM) i Ministarstva za boračka pitanja (15.000 KM).

Strukturu primljenih tekućih transfera od ostalih nivoa vlasti čine transferi od kantona (532.815 KM) i transferi od FBiH (433.423 KM).

Transferi od kantona odnose se na sredstva primljena od Ministarstva saobraćaja Kantona Sarajevo (168.785 KM) za prevoz učenika u skladu sa Zakonom o osnovnom odgoju i obrazovanju<sup>12</sup> i Zakonom o srednjem obrazovanju<sup>13</sup> i Ministarstva za boračka pitanja Kantona Sarajevo za isplatu naknada pripadnicima boračke populacije i njihovim porodicama na osnovu Zakona o dopunskim pravima boraca/branitelja BiH<sup>14</sup> (364.030 KM). Općina je zaključila Sporazum o zajedničkoj saradnji sa Ministarstvom saobraćaja Kantona Sarajevo kojim je definisan način realizacije transfera za prevoz učenika i pravdanje nastalih troškova. Na osnovu Zakona o dopunskim pravima boraca/branitelja BiH, Općina je u 2020. godini isplatila naknade za troškove pokopa (222.018 KM), naknade za dječiji dodatak (90.412 KM) i naknade dobitnicima ratnih priznanja (39.600 KM). Općina provodi postupak uvođenja korisnika u pravo, a sredstva obezbjeđuje Ministarstvo za boračka pitanja Kantona Sarajevo.

<sup>10</sup> „Sl. novine KS“, br. 5/13

<sup>11</sup> „Sl. novine KS“, br. 49/15

<sup>12</sup> „Sl. novine KS“, br. 23/17

<sup>13</sup> „Sl. novine KS“, br. 23/17

<sup>14</sup> „Sl. novine KS“, br. 45/12

*Transferi od FBiH* (433.423 KM) se najvećim dijelom odnose na transfer Federalnog ministarstva finansija po Odluci o raspodjeli sredstava u svrhu finansijske pomoći u sanaciji posljedica usljed proglašene pandemije COVID-19 i za sufinansiranje projekata/zahtjeva/inicijativa. Općina je u skladu s Odlukom dobila sredstava u iznosu od 111.528 KM za izgradnju, rekonstrukciju i sanaciju javne rasvjete po mjesnim zajednicama, iznos od 68.445 KM za radove na uređenju korita rijeke Misače i 50.000 KM za reciklažno dvorište, kao i 125.000 KM kao jednokratnu finansijsku pomoć budžetu, koje je Općina Odlukom od 22. 4. 2020. godine usmjerila na novčane podrške u poljoprivrednoj proizvodnji po javnom pozivu. U skladu s Odlukom o dodjeli sredstava, Općina je 20. 1. 2021. godine Federalnom ministarstvu finansija dostavila informaciju sa pratećom dokumentacijom u vezi s namjenskim utroškom sredstava.

Iskazane donacije odnose se na donacije Kantonalne javne ustanove za zaštićena prirodna područja za provođenje postupka eksproprijacije zemljišta na području zaštićenog pejzaža Bijambare u svrhu uspostave Eko kampa i parking prostora (26.460 KM) i donaciju Mjesne zajednice Ilijaš Grad za sufinansiranje asfaltiranja puta (2.540 KM).

#### 6.1.1.4 Primici od prodaje stalnih sredstava

Primici od prodaje stalnih sredstava iskazani su u iznosu od 519.968 KM i odnose se na primitke od prodaje zemljišta. Na osnovu Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova,<sup>15</sup> Općina za svaku prodaju zemljišta donosi odluku o načinu i uslovima prodaje neizgrađenog građevinskog zemljišta, a na osnovu odluke raspisuje se javni oglas o prodaji putem javnog nadmetanja – licitacije.

### 6.1.2 Rashodi, izdaci i finansiranje

U Godišnjem izvještaju o izvršenju budžeta rashodi i izdaci iskazani su u iznosu od 12.311.871 KM. Strukturu rashoda i izdataka čine: kapitalni transferi (3.593.077 KM), izdaci za nabavku stalnih sredstava (3.051.497 KM), tekući transferi i drugi tekući rashodi (2.486.397 KM), plaće i naknade troškova zaposlenih (1.994.873 KM), izdaci za materijal i usluge (814.738 KM), doprinosi poslodavca (185.718 KM), izdaci za otplate dugova (162.119 KM) i izdaci za kamate (23.452 KM).

#### 6.1.2.1 Plaće i naknade troškova zaposlenih

Plaće i naknade troškova zaposlenih iskazane su u iznosu od 1.994.873 KM (bruto plaće i naknade plaća 1.757.535 KM i naknade troškova zaposlenih 237.338 KM).

Obračun plaća i naknada zaposlenih vrši se u skladu s Odlukom o plaćama i naknadama u organu uprave Općine Ilijaš<sup>16</sup> (koja je donesena u skladu sa Zakonom o plaćama i naknadama u organima vlasti FBiH) i Pravilnikom o plaćama i naknadama u Jedinstvenom organu uprave i ostalih službi Općine.<sup>17</sup>

Osnovna plaća utvrđuje se množenjem koeficijenta za plaću koji su propisani Odlukom i Pravilnikom i osnovicom koja je, u skladu s Odlukom o izvršavanju budžeta Općine za 2020. godinu, iznosila 330 KM. Radno vrijeme Općine definisano je Pravilnikom o radnim odnosima državnih službenika i namještenika jedinstvenog općinskog organa uprave, stručnih i posebnih službi Općine Ilijaš, u trajanju od osam sati dnevno, s tim da vrijeme pauze u trajanju od 30 minuta ne ulazi u radno vrijeme. Evidenciju o prisustvu uposlenika na poslu vode rukovodioci po Službama, te je uspostavljena i elektronska prijava dolaska na posao i odlaska s posla.

Najviša plaća isplaćena je u neto iznosu 3.522 KM, a najniža iznosu od 686 KM. Prosječna neto plaća iznosila je 1.272 KM.

<sup>15</sup> „Sl. novine FBiH“, br. 17/14

<sup>16</sup> Broj 01/1-02-175-5/13 od 31. 1. 2013. godine i broj 01/1-34-1230/17 od 30. 5. 2017. godine

<sup>17</sup> Broj 01/2-34-1230/17 od 26. 6. 2017. godine



Ocjenjivanje državnih službenika i namještenika izvršeno je u skladu sa Zakonom o državnoj službi u Kantonu Sarajevo<sup>18</sup> i Pravilnikom o ocjenjivanju državnih službenika u Kantonu Sarajevo.<sup>19</sup>

**Naknade troškova zaposlenih** iskazane su u iznosu od 237.338 KM, od čega su naknade za topli obrok (151.773 KM), regres za godišnji odmor (36.413 KM), naknade za prevoz (24.539 KM), pomoć u slučaju smrti i teže bolesti (18.940 KM) i otpremnine zbog odlaska u penziju (5.674 KM).

Naknada za ishranu tokom rada (topli obrok) iznosila je 1% od prosječne plaće u FBiH za svaki radni dan, naknada za korištenje godišnjeg odmora u visini od 50% prosječne neto plaće isplaćene u FBiH (485,50 KM), naknade za prevoz u visini mjesečne karte na odobrenoj relaciji, te otpremnine u visini pet prosječnih neto plaća isplaćenih u FBiH prema zvanično objavljenim podacima.

U odabranom uzorku za obračun i isplatu plaća (za april, august i novembar 2020. godine), naknade za topli obrok, prevoz, regres i otpremnine, nismo utvrdili nepravilnosti.

#### 6.1.2.2 Izdaci za materijal, sitan inventar i usluge

**Izdaci za materijal, sitan inventar i usluge** iskazani su u iznosu od 814.739 KM, od čega su ugovorene i druge posebne usluge iznosile 550.197 KM, izdaci za energiju 79.815 KM, izdaci za komunikaciju i komunalne usluge 76.259 KM, izdaci za nabavku materijala i sitnog inventara 37.827 KM, izdaci za tekuće održavanje 23.511 KM i izdaci za unajmljivanje imovine i opreme 22.282 KM.

U okviru **ugovorenih usluga** najznačajniji iznosi odnose se na izdatke za: naknade za općinske vijećnike (98.468 KM), naknade za članove mjesnih zajednica (63.000 KM), ugovore o djelu (42.180 KM), naknade za jedinicu i članove štaba Civilne zaštite (40.468 KM), izdatke komisije za tehnički prijem objekata (34.175 KM), ostale komisije (33.721 KM), izdatke za volonterski rad (25.114 KM), stručne usluge (24.557 KM), komisije Općinskog vijeća (24.000 KM) i usluge medija (23.642 KM).

Naknade općinskim vijećnicima i komisije Općinskog vijeća regulisane su Odlukom o visini naknade vijećnicima, članovima stalnih i povremenih radnih tijela Općinskog vijeća.<sup>20</sup> Odlukom je utvrđeno pravo na naknadu za rad u Općinskom vijeću (paušal) predsjedniku u visini prosječne plaće u FBiH, zamjeniku predsjedavajućeg u visini od 70% prosječne plaće u FBiH i za vijećnike u iznosu od 300 KM. Pored toga, vijećnicima za prisustvo na sjednici pripada naknada od 50 KM. Za rad u radnim tijelima (komisijama) Općinskog vijeća članovima pripada naknada u visini od 50 KM po sjednici. U 2020. godini održano je ukupno 10 sjednica Općinskog vijeća i na ime naknade za paušal isplaćeno je 85.107 KM, a za prisustvo na sjednicama 10.950 KM. Naknade se isplaćuju na osnovu mjesečnog obračuna i ovjerene liste o prisustvu na sjednici. U odabranom uzorku naknade su se obračunavale i isplaćivale u skladu s Odlukom.

Naknade za članove mjesnih zajednica (63.000 KM) obračunavale su se i isplaćivale u skladu s Odlukom o visini naknade za rad članova Savjeta mjesnih zajednica Općine,<sup>21</sup> kojom je utvrđena visina naknade predsjedniku Savjeta od 250 KM, a članu od 50 KM mjesečno. Naknade se isplaćuju u iznosu od 50 KM po održanoj sjednici i maksimalno za šest sjednica u toku jedne kalendarske godine, na osnovu evidencija koju vodi nadležna služba za odnose s mjesnim zajednicama. Naknade za povjerenike civilne zaštite (40.468 KM) obračunavale i isplaćivale su se u skladu s Kriterijima o određivanju vrijednosti satnice za angažovanje povjerenika civilne zaštite na provođenju preventivnih mjera zaštite i spašavanja ljudi i materijalnih dobara od prirodnih i drugih nesreća na području Općine iz 2014. godine, na osnovu kojih naknada maksimalno može iznositi 5 KM/sat. Isplata se vrši mjesečno na osnovu evidencije koju sačinjava i ovjerava Služba za civilnu zaštitu Općine.

---

<sup>18</sup> „Sl. novine KS“, br. 31/16 i 45/19

<sup>19</sup> „Sl. novine KS“, br. 50/17

<sup>20</sup> „Sl. novine KS“, br. 41/07, 7/10, 44/13 i 23/17

<sup>21</sup> Odluka Općinskog vijeća od 28. 6. 2019. godine

U okviru ostalih komisija iskazane su isplate neto naknada članovima komisija u iznosu od 33.721 KM, a odnose se na komisije koje su formirane rješenjima načelnika i u kojima su angažovani zaposlenici i vanjski saradnici. Najznačajniji dio odnosi se na naknade za rad komisije za utvrđivanje vrijednosti nepokretnosti i prava (6.000 KM), komisija za izlaganje na javni uvid podataka predmjera i katastarsko klasiranje (17.800 KM), komisija za izradu Strategije razvoja Općine za period 2021-2027. godine (3.325 KM) i komisija za selekciju i ocjenu prijave po Javnom pozivu za prikupljanje zahtjeva udruženja i nevladinih organizacija za sufinansiranje u 2020. godini (3.150 KM).

Utvdili smo da se za rad u komisijama angažuju i zaposlenici kojima je izvršena isplata u iznosu od najmanje 15.164 KM. **Obračun naknada zaposlenicima koji su angažovani kao članovi komisija nije imao tretman prihoda od nesamostalne djelatnosti, kako je propisano članom 10. Zakona o porezu na dohodak<sup>22</sup> i članovima 8, 11. i 12. Pravilnika o primjeni Zakona o porezu na dohodak<sup>23</sup>, zbog čega nisu obračunati i uplaćeni propisani porez i doprinosi.** Navedenim članovima Zakona i Pravilnika propisano je da naknade zaposlenicima po osnovu angažmana po bilo kojem osnovu, a u vezi sa nesamostalnom djelatnošću, neovisno o tome da li se ti poslovi obavljaju u toku ili izvan radnog vremena, imaju karakter oporezivog prihoda od nesamostalne djelatnosti. Dakle, obaveza poslodavca je da obračuna i uplati porez i doprinose, u skladu s odredbama člana 27. Zakona o porezu na dohodak i članova 16. i 21. Pravilnika o primjeni Zakona o porezu na dohodak, kao i odredbama članova 10. i 11. Zakona o doprinosima<sup>24</sup> i članova od 17. do 20. Pravilnika o načinu obračunavanja i uplate doprinosa.<sup>25</sup>

**Izdaci po osnovu ugovora o djelu** iskazani su u neto iznosu od 42.180 KM i odnose se na angažman osam vanjskih saradnika po ugovoru o djelu. Značajan dio izdataka (31.400 KM) odnosi se na isplate po ugovorima o djelu za obavljanje poslova koji spadaju u redovne radne zadatke u opisu sistematizovanih radnih mjesta i zaključivali su se kontinuirano tokom godine (unos podataka u Registar poljoprivrednih gazdinstva, ažuriranje i uspostava Registra pčela i pčelinjaka 11.100 KM, koordinator na projektu „Uloga mjesnih zajednica u BiH i zajedničke aktivnosti sa savjetima mjesnih zajednica“ 11.100 KM i priprema implementacije projekata iz Strategije održivog razvoja Općine i praćenje provedbe općinskih projekata iz plana javnih investicija Kantona Sarajevo 9.200 KM).

Ugovori o djelu zaključivani su za poslove koji su sistematizovani Pravilnikom o unutrašnjoj organizaciji u kontinuitetu tokom cijele godine, iako se za ove poslove trebala provesti procedura u skladu sa Zakonom o državnoj službi u Kantonu Sarajevo i Zakonom o namještenicima u organima državne službe u FBiH.

**Shodno navedenom, ne možemo potvrditi osnovanost zaključivanja ugovora o djelu za obavljanje redovnih poslova koji se obavljaju kontinuirano tokom cijele godine.**

#### **Preporuke:**

- **angažovanje izvršilaca za obavljanje redovnih poslova vršiti u skladu sa Zakonom o državnoj službi u Kantonu Sarajevo i Zakonom o namještenicima u organima u organima državne službe u FBiH;**
- **poreze i doprinose na naknade za rad zaposlenika u komisijama obračunavati kao oporezivi prihod od nesamostalne djelatnosti, u skladu s važećim propisima.**

#### 6.1.2.3 Tekući transferi i drugi tekući rashodi

**Tekući transferi i drugi tekući rashodi** u iznosu od 2.486.397 KM odnose se na transfere pojedincima (913.139 KM), subvencije privatnim preduzećima (614.119 KM), transfere neprofitnim organizacijama (461.072 KM), transfere drugim nivoima vlasti (452.074 KM), subvencije javnim preduzećima (43.994 KM) i na druge tekuće rashode (2.000 KM).

<sup>22</sup> „Sl. novine FBiH“, br. 10/08, 9/10, 44/11, 7/13, 65/13

<sup>23</sup> „Sl. novine FBiH“, br. 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 3/18 i 30/18

<sup>24</sup> „Sl. novine FBiH“, br. 35/98, 54/00, 16/01, 37/01, 1/02, 17/06, 14/08, 91/15, 104/16

<sup>25</sup> „Sl. novine FBiH“, br. 64/08, 81/08, 98/15, 6/17, 38/17



Transferi pojedincima iskazani su u iznosu od 913.139 KM, a najvećim dijelom odnose se na date transfere za troškove pokopa (222.018 KM), isplate stipendija (194.910 KM), prevoz učenika (168.785 KM) i novčanu pomoć nezaposlenima (137.425 KM).

*Isplate stipendija* realizovane su nakon provedene procedure po javnom pozivu za stipendiranje učenika i studenata, kojim su propisani uslovi za dodjelu sredstava. Odlukom načelnika utvrđen je spisak korisnika stipendija. Sa roditeljima korisnika sredstava su zaključeni ugovori o stipendiranju, kojima je definisano da se stipendista obavezuje vratiti ukupni iznos sredstava po osnovu ugovora uz pripadajuću zakonsku kamatu ukoliko neopravdano napusti ili izgubi pravo na redovno školovanje, ili istovremeno koristi stipendiju nekog drugog organa ili fondacije.

*Novčane pomoći nezaposlenima* dodjeljivane su u skladu s Odlukom o izvršavanju Budžeta Općine za 2020. godinu i odlukama Općinskog vijeća o utvrđenim kriterijima, na osnovu pojedinačnih zahtjeva i prijedloga Komisije za zdravstvo, informisanje, socijalna i vjerska pitanja i Komisije za rješavanje zahtjeva za dodjelu novčane pomoći teško oboljelih lica.

Subvencije privatnim preduzećima se najvećim dijelom odnose na *podsticaje poljoprivrednoj proizvodnji* koji su realizovani putem javnih poziva u iznosu od 429.174 KM.

Transferi neprofitnim organizacijama dodijeljeni su u skladu s Odlukom o izvršavanju Budžeta Općine za 2020. godinu, javnim pozivom za prikupljanje zahtjeva udruženja građana i nevladinih organizacija radi dodjele sredstava za finansiranje/sufinansiranje iz Budžeta Općine. U skladu s javnim pozivom i odlukama načelnika, na prijedlog komisije za realizaciju javnog poziva dodijeljena su sredstva: udruženjima građana za sport (126.425 KM), ratnim udruženjima (65.260 KM) i udruženjima građana za kulturu i mlade (35.068 KM). Transferi humanitarnim organizacijama (72.200 KM), za potrebe obilježavanja godišnjice „11. juli 1995. godine – Srebrenica“ (5.800 KM) i Fondaciji za pružanje pravne pomoći pripadnicima Armije BiH (5.000 KM), utvrđeni su Budžetom Općine i dodijeljeni u skladu s Odlukom o izvršavanju budžeta. Također, na osnovu pojedinačnih zahtjeva i odlukama načelnika dodijeljena su sredstva u iznosu od 30.218 KM. Sa svim korisnicima transfera zaključeni su ugovori kojima je definisan način pravljanja sredstava, a uvidom u odabrani uzorak konstatovali smo da su korisnici, u skladu s ugovorima, dostavili izvještaj i dokumentaciju o utrošku sredstava.

Transferi drugim nivoima vlasti najvećim dijelom odnose se na transfer Javnoj ustanovi Kulturno-sportski centar i Radio Ilijaš (342.000 KM), koji je utvrđen Budžetom Općine.

#### 6.1.2.4 Kapitalni transferi

Kapitalni transferi iskazani su u iznosu od 3.593.077 KM, a najznačajniji se odnose na transfere neprofitnim organizacijama (1.534.988 KM), drugim nivoima vlasti (1.517.955 KM) i javnim preduzećima (489.133 KM).

Kapitalni transferi neprofitnim organizacijama se najvećim dijelom odnose na transfere za škole (682.220 KM) i na transfere za sport i kulturu (572.300 KM).

*Transferi za škole* prvenstveno se odnose na investicione projekte „Završetak projekta izgradnje fiskulturne sale SŠC Nedžad Ibrišimović“ koji je realizovan u iznosu od 319.523 KM i projekat „Izmjena namjene stare fiskulturne dvorane u prostorije produženog boravka OŠ „Hašim Spahić“ u iznosu od 271.816 KM.

Općina je tokom 2020. godine, kao i u prethodnom periodu, imala značajna kapitalna ulaganja na svom zemljištu, koje je samo djelimično knjigovodstveno evidentirano. Naime, na poziciji *kapitalnih transfera za sport* iskazana su ulaganja koja se odnose na izgradnju stadiona u iznosu od 488.128 KM na osnovu ugovora s dobavljačem „Fazum-gradnja“ d.o.o. Ilijaš od 24. 8. 2020. godine.<sup>26</sup>

<sup>26</sup> Ugovor zaključen na osnovu Okvirnog sporazuma od 19. 8. 2020. godine u vrijednosti od 1.172.925 KM (na period od dvije godine), a za 2020. godinu zaključen je ugovor 24. 8. 2020. godine u iznosu od 946.303 KM, u skladu s planiranim sredstvima.





Projekat izgradnje Gradskog stadiona utvrđen je Strategijom održivog razvoja Općine za period 2018-2022. godine, koju je donijelo Općinsko vijeće. Realizacija Projekta planirana je u dvije faze, u ukupnom iznosu od 5.561.389 KM, i započela je u 2018. godini.<sup>27</sup>

Sredstva za realizaciju Projekta su dijelom osigurana iz Budžeta Kantona Sarajevo, a dijelom iz Budžeta Općine. Shodno tome, sa Ministarstvom kulture i sporta Kantona Sarajevo zaključen je Ugovor i Aneks ugovora o sufinansiranju projekta izgradnje stadiona od 18. 8. 2020. godine kojim je definisano da će odnos suvlasničkih dijelova suinvestitora biti riješen posebnim ugovorom o prenosu suvlasničkog dijela prava na zemljištu sa Općine na Kanton Sarajevo (u periodu 2018-2020. godine udio finansiranja iz Kantona Sarajevo iznosio je 1.150.000 KM). Javne nabavke za fazno izvođenje radova provodi Općina.

Nakon provedene procedure javne nabavke zaključeni su okvirni sporazumi na dvije godine (po fazama), na osnovu kojih se zaključuju pojedinačnih ugovori za realizaciju. Prema prezentiranim podacima, za završetak I faze i dijela II faze do kraja 2020. godine utrošeno je ukupno 2.000.591 KM (u 2019. godini iskazano je 1.512.463 KM, a u 2020. godini 488.128 KM). Okvirni sporazum za izvođenje radova za fazu II zaključen je u augustu 2020. godine na period od dvije godine u iznosu od 1.172.925 KM. Na osnovu sporazuma, 24. 8. 2020. godine zaključen je ugovor za realizaciju dijela radova u iznosu od 946.303 KM, a ugovoreni rok za završetak radova je 150 dana od uvođenja u posao. Izvođač je 14. 9. 2020. godine uveden u posao, a rok za završetak radova bio je 15. 2. 2021. godine. Općina je, na zahtjev izvođača radova, dva puta (januar i april 2021. godine) odobrila prolongiranje roka za izvođenje radova u trajanju od 45 dana zbog promjena u projektnoj dokumentaciji i loših vremenskih uslova, i kao konačni rok završetka radova utvrđen je 25. 5. 2021. godine. Prema prezentiranoj dokumentaciji, radovi su završeni u ugovorenom roku, a okončana situacija za izvedene radove ispostavljena je 11. 8. 2021. godine na iznos od 911.584 KM.

**S obzirom na to da izgradnja Gradskog stadiona predstavlja ulaganje u stalno sredstvo, koje će u skladu s ugovorom o sufinansiranju biti u potpunom ili djelimičnom vlasništvu Općine, ovi izdaci nemaju karakter kapitalnih transfera. Naime, u Pravilniku o knjigovodstvu budžeta u FBiH kapitalni transferi definišu se kao nepovratna davanja u svrhu nabavke kapitalne imovine. Općina posjeduje pomoćnu evidenciju ulaganja u ovaj objekat, koja su započeta 2018. godine. Međutim, ova ulaganja nisu u Glavnoj knjizi evidentirana na poziciji stalnih sredstava u pripremi, odnosno nije uspostavljena jedinstvena knjigovodstvena evidencija svih ulaganja u ovaj objekat od početka gradnje. Navedeno nije u skladu s Pravilnikom o knjigovodstvu budžeta u FBiH i Računovodstvenim politikama za budžetske korisnike i Trezor.**

U okviru kapitalnih transfera nižim nivoima vlasti iskazan je iznos od najmanje 268.343 KM koji se odnosi na tekuće zimsko održavanje lokalnih puteva na području općine. Za zimsko održavanje puteva proveden je otvoreni postupak javne nabavke, nakon kojeg su zaključeni Okvirni sporazumi za održavanje puteva (po lotovima) u sezoni 2019/2020. i 2020/2021. godine,<sup>28</sup> na osnovu kojih su zaključeni ugovori po sezonama. Realizacija ugovora vrši se po Operativnom planu održavanja cesta koje donosi načelnik za zimsku sezonu. Održavanje puteva regulisano je Pravilnikom o održavanju javnih cesta.<sup>29</sup> S obzirom na to da se, u skladu s Pravilnikom o knjigovodstvu budžeta u FBiH, na poziciji kapitalnih transfera evidentiraju izvršena nepovratna davanja u svrhu nabavke kapitalne (dugotrajne, stalne) imovine i kapitalnih ulaganja koja predstavljaju stalno sredstvo nekog drugog pravnog lica, **izdaci za tekuće održavanje puteva kojima, u skladu s propisima, upravlja i koje održava Općina, nisu planirani i iskazani u skladu s kontnim planom koji je dio Pravilnika.**

---

<sup>27</sup> Za izgradnju Gradskog stadiona – I faza zaključen je Okvirni sporazum 9. 11. 2018. godine u iznosu od 1.524.510 KM na period od dvije godine i u skladu sa pojedinačnim ugovorima u 2018. i 2019. godini realizirano je 1.524.439 KM.

<sup>28</sup> Sezona zimskog održavanja puteva je od 15. 11. tekuće do 15. 3. naredne godine. Trošak za održavanje puteva za zimsku sezonu 2019/2020. godine iznosi 182.649 KM, a za 2020/2021. godine 85.694 KM.

<sup>29</sup> „Sl. novine FBiH“, br. 69/10

S tim u vezi, na poziciji kapitalnih transfera iskazani su rashodi i izdaci za 2020. godinu u iznosu od najmanje 756.471 KM (488.128 KM za izgradnju Gradskog stadiona i 268.343 KM za tekuće održavanje cesta), koji ne predstavljaju nepovratna davanja u svrhu nabavke kapitalne imovine, radi čega nije bilo osnova, niti su se ispunili uslovi da se evidentiraju na ovu poziciju.

Zbog navedenog, klasifikacija ovih rashoda i izdataka prilikom planiranja i iskazivanja nije izvršena uz dosljednu primjenu kontnog plana za budžetske korisnike, te nije postupljeno u skladu s članom 39. Pravilnika o knjigovodstvu budžeta u FBiH.

**Preporuka:**

- **izdatke za održavanje cesta i ulaganja u imovinu Općine planirati i realizirati na propisanim pozicijama, u skladu s Pravilnikom o knjigovodstvu budžeta u FBiH.**

#### 6.1.2.5 Izdaci za nabavku stalnih sredstava

Izdaci za nabavku stalnih sredstava iskazani su u iznosu od 3.051.497 KM, a odnose se na: rekonstrukciju cesta i mostova (1.899.520 KM), rekonstrukciju na zemljištu - vanjska osvjetljenja, trotoari i ograde (313.893 KM), nabavku zemljišta (217.069 KM), nabavku građevina – radovi na reciklažnom dvorištu (250.154 KM), studije izvodljivosti (108.272 KM), investiciono održavanje cesta i mostova (101.978 KM), nabavku opreme za štab i jedinice civilne zaštite (69.089 KM), nabavku uredske opreme (63.655 KM) i rekonstrukciju zgrada (27.869 KM).

Za radove na rekonstrukciji i investicionom održavanju puteva proveden je otvoreni postupak, nakon kojeg je s dobavljačem „Halilović“ d.o.o. Ilijaš zaključen okvirni sporazum 8. 8. 2019. godini u vrijednosti od 1.510.541 KM na period od dvije godine. Ovim sporazumom definisani su radovi i jedinične cijene s okvirnim količinama, te da će se realizacija vršiti na osnovu pojedinačnih ugovora po nalogu naručitelja u toku trajanja sporazuma i visine ugovorene cijene. Na osnovu Okvirnih sporazuma, za realizaciju radova zaključivali su se ugovori na osnovu pojedinačnih predmjera radova na određenim relacijama. U 2020. godini po ovom ugovoru je realizirano 584.586 KM. Uvidom u odabrani uzorak utvrdili smo da su se poštovale ugovorene cijene i rokovi izvršenja radova odnosno odredbe Okvirnog sporazuma i pojedinačnih ugovora.

Prema prezentiranoj dokumentaciji u okviru izdataka za rekonstrukciju i investiciono održavanje i na poziciji stalnih sredstava evidentiran je iznos od 114.527 KM, a odnosi se na redovno (tekuće) održavanje puteva.

**S obzirom na to da tekuće održavanje ne predstavlja uvećanje vrijednosti stalnog sredstva, stalna sredstva precijenjena su za 114.527 KM i nije izvršeno evidentiranje na propisanim pozicijama u skladu s Pravilnikom o knjigovodstvu budžeta u FBiH.**

### 6.1.3 Finansijski rezultat

Prema Godišnjem izvještaju o izvršenju Budžeta Općine, iskazano je ostvarenje prihoda i primitaka u odnosu na rashode i izdatke kako slijedi:

R. br.	Opis	Budžet za 2020. godinu	Ostvareno u 2020. godini	Ostvareno u 2019. godini	Index (4/3)x100
1	2	3	4	5	6
<b>I</b>	<b>PRIHODI</b>	<b>11.617.000</b>	<b>11.622.338</b>	<b>13.059.514</b>	<b>100</b>
I.1.	Prihodi od poreza	5.190.000	5.660.448	5.733.304	109,1
I.2.	Neporezni prihodi	2.148.000	2.089.256	3.241.269	97,3
I.3.	Primljeni transferi	4.279.000	3.872.634	4.084.941	90,5
<b>II</b>	<b>RASHODI</b>	<b>11.248.950</b>	<b>9.098.255</b>	<b>11.284.768</b>	<b>80,9</b>
II.1.	Tekući rashodi	3.283.400	2.995.329	2.975.282	91,2
II.2.	Tekući transferi	2.757.250	2.486.397	2.306.761	90,2
II.3.	Kapitalni transferi	5.120.300	3.593.077	5.986.727	70,2
II.4.	Izdaci za kamate	24.000	23.452	15.998	97,7
II.5.	Tekuća budžetska rezerva	64.000			



III	TEKUĆI SUFICIT I – II	368.050	2.524.083	1.774.746	685,8
IV	NETO NABAVKA STAL. SREDST. (IV 2 – IV 1)	2.788.850	2.531.529	3.064.041	90,08
IV.1.	Primici od prodaje stalnih sredstava	730.000	519.968	803.513	71,2
IV.2.	Izdaci za nabavku stalnih sredstava	3.518.850	3.051.497	3.867.554	86,7
V	UKUPAN DEFICIT/SUFICIT III – IV	-2.420.800	-7.446	-1.289.295	0,3
VI	NETO POVEĆANJE FINANSIJSKE IMOVINE (VI 1 – VI 2)	0	0	0	0
VI.1.	Primici od finansijske imovine	0	0	0	0
VI.2.	Izdaci za finansijsku imovinu	0	0	0	0
VII	NETO ZADUŽIVANJE (NETO OTPLATE DUGOVA) (VII 1 -VII 2)	-162.200	-162.119	1.043.631	100
VII.1.	Primici od zaduživanja	0	0	1.200.000	
VII.2.	Izdaci za otplate dugova	162.200	162.119	156.369	100
VIII	UKUPAN FINANSIJSKI REZULTAT (V + VI + VII)	-2.583.000	-169.565	-245.664	6,6
IX	OSTVARENI SUFICIT IZ RANIJEG PERIODA	2.583.304	0	0	0
X	UKUPAN FINANSIJSKI REZULTAT (IX+VIII)	304	-169.565	-245.664	

Podaci iz bilansa stanja – neraspoređeni višak prihoda nad rashodima:

Neraspoređeni višak prihoda nad rashodima	2.413.739	2.583.304	93
---	-----------	-----------	----

U revidiranoj godini iskazan je tekući suficit u iznosu od 2.524.083 KM, jer su prihodi ostvareni u iznosu od 11.622.338 KM, a rashodi u iznosu od 9.098.255 KM. Neto nabavka stalnih sredstava iskazana je u iznosu od 2.531.529 KM, a neto otplate dugova u iznosu od -162.119 KM, te je ostvaren višak rashoda nad приходima – deficit u iznosu od -169.565 KM.

## 6.2 BILANS STANJA

### 6.2.1 Gotovina, kratkoročna potraživanja i razgraničenja

**Gotovina** u blagajni i na transakcijskom računu iskazana je u iznosu od 3.180.946 KM (transakcijski računi 3.179.527 KM i blagajna 1.418 KM). Stanje transakcijskih računa odnosi se na četiri računa kod Vakufske banke d.d. (depozitni, opći transakcijski, opći račun za indirektno poreze i račun za namjenska sredstva od Agencije za vodno područje slivova rijeke Save) i četiri računa kod Raiffeisen banke (račun rente i uređenja građevinskog zemljišta, račun za poseban porez za zaštitu, spašavanje i druge nesreće, račun za skloništa i za donacije).

**Kratkoročna potraživanja** iskazana su u iznosu od 315.711 KM. Od iskazanog iznosa najveći dio se odnosi na sumnjiva i sporna potraživanja (198.651 KM), od kojih je najznačajnije potraživanje od „Udobnosti“ d.o.o. u iznosu od 169.100 KM. Potraživanje se odnosi na dug za pogodnost korištenja gradskog građevinskog zemljišta u periodu od 2010. do 2013. godine. U stečajnom postupku su prihvaćena potraživanja Općine, te je sud donio rješenje o upisu zabilježbe izvršenja na nekretninama u vlasništvu „Udobnosti“ d.o.o. Na rješenje suda, 2015. godine „Forma Casa“ d.o.o. uložila je žalbu koju je obrazložila kupovinom predmetne nekretnine od „Udobnosti“ d.o.o. na kojoj je izvršena zabilježba izvršenja. Rješenjem iz juna 2020. godine Općinskog suda u Sarajevu određeno je brisanje zabilježbe izvršenja.

**Kratkoročna razgraničenja** u iznosu od 823.880 KM odnose se na sredstva odobrena sporazumima koji su zaključeni sa kantonalnim ministarstvima za realizaciju projekata kako slijedi:<sup>30</sup> Ministarstva privrede Kantona Sarajevo za uređenje riječnih korita na području općine (49.274 KM) i za izgradnju distributivne gasne mreže u industrijskoj zoni Luka (200.000 KM); Ministarstva komunalne privrede i infrastrukture Kantona Sarajevo za radove na kanalizacionoj mreži uz regionalni put R445 u naselju Stari Ilijaš (308.046 KM) i za radove na vodovodnoj mreži u naselju Stari Ilijaš (174.846 KM); Ministarstva kulture i sporta Kantona Sarajevo za Gradski stadion (59.821 KM) i sredstva za prevoz učenika za decembar 2020. godine (31.894 KM).

<sup>30</sup> Sredstva po sporazumima se Općini doznavaču po realizaciji projekta, odnosno po ispostavljenim privremenim situacijama.

## 6.2.2 Stalna sredstva

U bilansu stanja na 31. 12. 2020. godine iskazana su stalna sredstva sadašnje vrijednosti od 37.554.733 KM (nabavne vrijednosti: 41.819.968 KM, ispravke vrijednosti: 4.265.235 KM). Strukturu stalnih sredstava čine: ceste i mostovi (22.488.010 KM), zgrade i stanovi (9.667.182 KM), vanjska osvjetljenja i objekti (3.139.429 KM), zemljište (2.526.874 KM), stalna sredstva u obliku prava (1.430.161 KM), oprema (1.353.276 KM) i sredstva u pripremi (1.215.036 KM).

Općina knjigovodstveno nije evidentirala sve zemljište kojim raspolaže. Naime, prema knjigovodstvenim evidencijama i prezentiranim posjedovnim listovima, utvrđeno je da knjigovodstveno nije evidentirana sva imovina Općine. Prezentiran nam je Registar imovine koji je sačinjen 2020. godine, a u kojem su navedene katastarske općine, broj parcele, broj posjedovnog lista, broj zemljišnoknjižnog uloška i površina. U narednom periodu Općina planira poduzeti aktivnosti na procjeni vrijednosti i knjigovodstvenom evidentiranju zemljišta.

Tokom 2020. godine Općina je vršila prodaju zemljišta privrednim subjektima za stambenu izgradnju. S obzirom na to da se radi o zemljištu koje nije bilo knjigovodstveno evidentirano, nije se moglo izvršiti odgovarajuće knjiženje na poziciji stalnih sredstava. Također, Općina je tokom 2020. godine, kao i u prethodnom periodu imala značajna kapitalna ulaganja na svom zemljištu, koje je samo djelimično knjigovodstveno evidentirano. Naime, na poziciji kapitalnih transfera za sport iskazana su ulaganja izvršena u 2020. godini, koja se odnose na izgradnju stadiona u iznosu od 488.128 KM (tačka 6.1.2.4 Izvještaja).

U knjigovodstvenim evidencijama iznos od 22.488.010 KM odnosi se na lokalne puteve. Strategiju razvoja lokalnih cesta i ulica, u skladu sa Zakonom o cestama FBiH<sup>31</sup> donosi Općinsko vijeće, a njom se određuju ciljevi i osnovni zadaci pri razvoju i održavanju javnih cesta na period od 10 godina. Općina je u 2020. godini sačinila „Evidenciju (baza podataka) cesta i katastar cestovnog pojasa na području Općine Ilijaš – Kanton Sarajevo“, a u 2021. godini potpisan je ugovor za izradu Strategije razvoja lokalnih cesta i ulica sa „NTSI-Institutom“ d.o.o. Sarajevo. Godišnji plan i program održavanja i zaštite, kao i program rekonstrukcije, izgradnje i obnove javnih cesta,<sup>32</sup> sadržan je u Operativnom planu načelnika za 2020. godinu.

Na sredstvima u pripremi iskazan je iznos od 1.215.036 KM, a odnosi se na rekonstrukciju puteva i pripadajućih objekata, koja je najvećim dijelom započeta u 2020. godini (595.700 KM), na radove na izgradnji reciklažnog dvorišta koje je započeto 2019. godine (590.581 KM) i na ostala sredstva u pripremi (28.755 KM).

**Općina nema knjigovodstveno evidentirano sve zemljište kojim raspolaže. S obzirom na to da kontinuirano ima značajna investiciona ulaganja u stalna sredstva (izgradnja stadiona na zemljištu koje je samo djelimično knjigovodstveno evidentirano), kao i da prodaje neizgrađeno zemljište, ulaganja u stalna sredstva nisu knjigovodstveno evidentirana kao povećanje njihove vrijednosti, u skladu s Pravilnikom o knjigovodstvu budžeta u FBiH. Također, budući da nije knjigovodstveno evidentirano, nije se moglo izvršiti odgovarajuće umanjeње vrijednosti stalnih sredstava prilikom prodaje zemljišta.**

### **Preporuka:**

- ***osigurati da se stalna sredstva Općine, kao i njihovo povećanje vrijednosti, knjigovodstveno evidentiraju na osnovu vjerodostojne dokumentacije, u skladu s Pravilnikom o knjigovodstvu budžeta u FBiH.***

<sup>31</sup> Član 22. Zakona o cestama FBiH

<sup>32</sup> Član 25. Zakona o cestama FBiH



### 6.2.3 Kratkoročne obaveze i razgraničenja

Kratkoročne obaveze i razgraničenja iskazana su u iznosu od 1.926.598 KM, a čine ih kratkoročna razgraničenja (1.053.706 KM), kratkoročne tekuće obaveze (702.578 KM) i obaveze prema zaposlenim (170.314 KM).

**Kratkoročna razgraničenja** odnose se na razgraničene rashode (456.399 KM), ostala razgraničenja (308.175 KM) i razgraničene prihode (289.132 KM). *Ostala razgraničenja* se većim dijelom odnose na neutrošeni iznos primljenih namjenskih sredstava: Ministarstva za obrazovanje, nauku i mlade Kantona Sarajevo (160.000 KM) za rekonstrukciju sprata objekta vrtića „Ilijaš“ i rekonstrukciju prostora objekta JU OŠ „Srednje“, Kantonalne javne ustanove za zaštićena prirodna područja (95.000 KM) za provođenje postupka eksproprijacije zemljišta na području Zaštićenog pejzaža „Bijambare“, Federalnog ministarstva raseljenih osoba i izbjeglica (30.857 KM) za rekonstrukciju i asfaltiranje saobraćajnice i izgradnju kanalizacije kroz Borove u MZ Podlugovi i Federalnog ministarstva poljoprivrede, vodoprivrede i šumarstva (19.766 KM) za program poticanja jesenske sjetve. Navedena sredstva nisu utrošena do kraja revidirane godine i u skladu s propisima iskazana su na razgraničenjima.

**Kratkoročne tekuće obaveze** najvećim dijelom odnose se na obaveze prema dobavljačima u iznosu od 612.850 KM.

**Obaveze prema zaposlenim** odnose se na obračunate plaće, naknade plaća, poreze i doprinose za decembar 2020. godine, a koje su plaćene u januaru 20201. godine.

### 6.2.4 Dugoročne obaveze

Dugoročne obaveze, iskazane u iznosu od 944.995 KM, odnose se na obaveze po Ugovoru o kreditu za finansiranje infrastrukturnog projekta – izgradnja stadiona sa pratećim objektima u Općini. Općina je nakon provedenog postupka javne nabavke sa Raiffeisen bankom d.d. 2019. godine zaključila Ugovor o kreditu u iznosu od 1.200.000 KM. Ugovorom se definiše da će staviti na raspolaganje krajnjem korisniku cjelokupan iznos kredita koji će Općina otplatiti u 84 mjesečna anuiteta, zaključno sa 14. 5. 2026. godine. Kredit se otplaćuje u skladu s otplatnim planom i odredbama ugovora, te se o stanju duga kvartalno izvještava Federalno ministarstvo finansija.

## 6.3 IZVJEŠTAJ O NOVČANIM TOKOVIMA

U Izvještaju o novčanim tokovima iskazani su novčani primici u iznosu od 12.791.1997 KM, novčane isplate od 12.444.071 KM i neto novčani primici u iznosu od 347.926 KM. Saldo gotovine na početku godine iznosio je 2.833.020 KM, a na kraju godine 3.180.946 KM.

Izvještaj o novčanim tokovima sačinjen je u skladu s Pravilnikom o finansijskom izvještavanju i godišnjem izvještaju budžeta u FBiH.

## 7. JAVNE NABAVKE

Plan javnih nabavki za 2020. godinu donesen je 6. 1. 2020. godine (izmjene i dopune od 30. 3. 2020. godine), kojim su planirane nabavke roba, usluga i radova ukupne procijenjene vrijednosti u iznosu od 10.902.700 KM<sup>33</sup> kroz postupke javnih nabavki kako slijedi: otvoreni postupak (9.401.490 KM), konkurentski zahtjev za dostavu ponuda (1.245.922 KM), direktni sporazum (213.454 KM) i postupci za nabavke neprioritetnih usluga predviđeni aneksom II dio B Zakona o javnim nabavkama (41.834 KM).

---

<sup>33</sup> Svi iznosi su navedeni sa PDV-om.





Prema prezentiranim podacima, u 2020. godini provedena su 142 postupka, nakon kojih su zaključeni ugovori ukupne vrijednosti od 7.542.407 KM: 17 otvorenih postupaka (6.613.661 KM), 31 konkurentski zahtjev za dostavu ponuda (689.164 KM), 86 direktnih postupaka (228.435 KM) i osam postupaka za neprioritetne usluge (11.148 KM). Značajan broj provedenih direktnih sporazuma je posljedica zaključivanja ugovora i za vrijednosti manje od 1.000 KM. Za provedene direktne sporazume Općina je za značajnije iznose tražila tri ponude, te je na osnovu kriterija najniže cijene zaključivala ugovore sa najpovoljnijim ponuđačima.

Izvršili smo uvid u procedure odabira najpovoljnijeg dobavljača putem javne nabavke u ukupnoj vrijednosti od 2.103.708 KM, i to za pet otvorenih postupaka u iznosu od 2.001.091 KM (izvođenje radova na Izgradnji sportskog centra Ilijaš – Gradski stadion II faza za period 2020-2022. godine: 946.303 KM; radovi na uređenju korita rijeke Bosne: 149.987 KM; radovi na izgradnji reciklažnog dvorišta: 249.718 KM; rekonstrukcija puta „R445“ 385.858 KM; sanacija i rekonstrukcija lokalnih puteva na području MZ Gajevi: 269.225 KM), četiri konkurentska zahtjeva za dostavu ponuda u iznosu od 90.667 KM (mjesečno održavanje aplikativnog softvera paketa DataNova i DokuNova za 2020. godinu: 8.693 KM; radovi na rekonstrukciji mokrih čvorova i svlačionica u JU SŠC „Nedžad Ibrišimović“ Ilijaš: 36.270 KM; hortikulturno uređenje parkova i ulica sa sadnicama školovanog drveća: 19.990 KM; građevinsko-zanatski radovi na sanaciji zajedničkih dijelova zgrada: 25.714 KM) i tri direktna sporazuma u iznosu od 11.950 KM (usluge istražnih inženjersko-geoloških istraživanja i izrada projekta sanacije klizišta Alića Gaj: 6.200 KM; usluge projektantskog nadzora nad izvođenjem radova na izgradnji gradskog stadiona: 3.000 KM; nabavka i isporuka pumpe za vodo-snabdijevanje MZ Gajevi: 2.750 KM).

U otvorenom postupku javne nabavke radova za rekonstrukciju puta „R455“ izabran je dobavljač „Cita produkt“ d.o.o, te je zaključen ugovor u vrijednosti od 385.858 KM. Tendersku dokumentaciju je sa portala Agencije za javne nabavke preuzelo 17 potencijalnih ponuđača, dok je ponudu predalo njih osam. U svrhu odabira najpovoljnijeg dobavljača proveden je postupak e-aukcije u skladu sa Zakonom.

Ugovor za radove na izgradnji reciklažnog dvorišta u 2020. godini zaključen je u vrijednosti od 249.718 KM, nakon provedene e-aukcije, u sklopu otvorenog postupka javne nabavke. Tendersku dokumentaciju preuzelo je 14 potencijalnih ponuđača, dostavljene su četiri ponude, a kao najpovoljniji dobavljač izabrana je kompanija „Vizija“ d.o.o. Visoko.

Realizacija postupka javne nabavke za izvođenje radova na Izgradnji sportskog centra Ilijaš – Gradski stadion II faza za period 2020-2022. godine opisana je u tački 6.1.2.4 Izvještaja.

U revidiranom uzroku postupaka javnih nabavki nisu konstatovane nepravilnosti.

## **8. SUDSKI SPOROVI**

Prema prezentiranim podacima, na 31. 12. 2020. godine Pravobranilaštvo Kantona Sarajevo je u Izvještaju o radu u zastupanju Općine Ilijaš iskazalo 122 predmeta u radu. Najznačajniji su oni koji se odnose na parnični (57 predmeta) i izvršni postupak (25 predmeta). Predmeti vođeni po parničkom postupku odnose se na naknadu štete, sporove radi utvrđenja prava vlasništva, radi duga po osnovu zakupa i slično.

Potencijalna potraživanja i obaveze po osnovu sudskih sporova evidentirana su u okviru vanbilansne evidencije.

## **9. KOMENTARI NA NACRT IZVJEŠTAJA**

Općina je 17. 8. 2021. godine dostavila komentar na Nacrt izvještaja o finansijskoj reviziji za 2020. godinu. U njemu su navedena obrazloženja za dio nalaza u tekstu Nacrta izvještaja.

Uvažena su i inkorporirana u Izvještaj obrazloženja vezana za okončane radove na izgradnji Sportskog centra-Gradski stadion – II faza, za način isplate naknada članovima i predsjedniku Savjeta mjesnih zajednica, u skladu sa dostavljenom dokumentacijom, kao i komentar vezan za formulaciju zaključka za uzorkovane postupke javnih nabavki.



Neslaganje koje se odnosi na obračun poreza i doprinosa na naknade zaposlenicima koji su angažovani kao članovi komisija nismo prihvatili s obzirom na to da se navedene naknade smatraju prihodom od nesamostalne djelatnosti, na koje je potrebno obračunati poreze i doprinose u skladu sa Zakonom o porezu na dohodak i Zakonom o doprinosima.

U komentaru je navedeno da su, pored aktivnosti koje Općina provodi na knjigovodstvenom evidentiranju zemljišta, pokrenute i aktivnosti na knjigovodstvenom evidentiranju ostale imovine Općine.

Koordinatorica rada u  
Sektoru za finansijsku reviziju

**Amela Mulahalilović**

Tim za reviziju

**Azra Milak – voditeljica tima**

**Vildana Hadžović – članica tima**

## V PRILOG: GODIŠNJI FINANSIJSKI IZVJEŠTAJI



<b>Godišnji izvještaj o izvršenju budžeta za 2020. godinu</b>					
<b>Naziv institucije: Općina Ilijaš</b>					
Opis	Planirano	Ostvareno		Odstupanje (3-2)	Procenat (3/2x100)
		U tekućoj godini	U prethodnoj godini		
1	2	3	4	5	6
<b>I PRIHODI (od 1 do 16)</b>	<b>11.617.000</b>	<b>11.622.338</b>	<b>13.059.514</b>	<b>5.338</b>	<b>100,0</b>
<b>PRIHODI OD POREZA (1+2+3+4+5+6+7+8)</b>	<b>5.190.000</b>	<b>5.660.448</b>	<b>5.733.304</b>	<b>470.448</b>	<b>109,1</b>
<b>1. Porez na dobit pojedinca i preduzeća</b>	<b>500</b>	<b>464</b>	<b>371</b>	<b>-36</b>	<b>92,8</b>
Porezi na dobit pojedinaca (zaostale uplate poreza)	500	464	371	-36	92,8
Porezi na dobit preduzeća	0	0	0	0	0
Porez na dobit banaka i drugih finansijskih organizacija i društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća	0	0	0	0	0
<b>2. Doprinosi za socijalnu zaštitu</b>	<b>0</b>	<b>0</b>	<b>0</b>	<b>0</b>	<b>0</b>
<b>3. Porezi na plaću i radnu snagu</b>	<b>0</b>	<b>625</b>	<b>1.339</b>	<b>625</b>	
<b>4. Porez na imovinu</b>	<b>1.140.000</b>	<b>1.637.368</b>	<b>1.304.500</b>	<b>497.368</b>	<b>143,6</b>
<b>5. Domaći porezi na dobra i usluge</b>	<b>0</b>	<b>0</b>	<b>0</b>	<b>0</b>	<b>0</b>
<b>6. Porez na dohodak</b>	<b>55.000</b>	<b>62.783</b>	<b>62.185</b>	<b>7.783</b>	<b>114,2</b>
<b>7. Prihodi od indirektnih poreza</b>	<b>3.994.000</b>	<b>3.959.636</b>	<b>4.365.193</b>	<b>-34.364</b>	<b>99,1</b>
<b>8. Ostali porezi</b>	<b>500</b>	<b>197</b>	<b>1.055</b>	<b>-303</b>	<b>39,4</b>
<b>NEPOREZNI PRIHODI (9+10)</b>	<b>2.148.000</b>	<b>2.089.256</b>	<b>3.241.269</b>	<b>-58.744</b>	<b>97,3</b>
<b>9. Prihodi od poduzetničkih aktivnosti i imovine i prihodi od pozitivnih kursnih razlika</b>	<b>43.500</b>	<b>36.710</b>	<b>251.603</b>	<b>-6.790</b>	<b>84,4</b>
Prihodi od nefinansijskih javnih preduzeća i finansijskih javnih institucija	38.000	28.134	238.821	-9.866	74,0
Ostali prihodi od imovine	500		0	-500	0,0
Kamate i dividende primljene od pozajmica i učešća u kapitalu	0	0	0	0	0
Naknade primljene od pozajmica i učešća u kapitalu	0	0	0	0	0
Prihodi od pozitivnih kursnih razlika	0	0	0	0	0
Prihodi od privatizacije	5.000	8.576	12.782	3.576	171,5
Prihodi po osnovu premije i provizije za izdatu garanciju	0	0	0	0	0
<b>10. Naknade, takse i prihodi od pružanja javnih usluga, kazne i drugi prihodi</b>	<b>2.101.500</b>	<b>2.052.321</b>	<b>2.989.666</b>	<b>-49.179</b>	<b>97,7</b>
Administrativne takse	5.000	4.600	5.000	-400	92,0
Sudske takse	0	0	0	0	0
Komunalne naknade i takse	260.000	229.147	235.420	-30.853	88,1
Ostale budžetske naknade i takse	1.408.000	1.331.294	2.324.819	-76.706	94,6
Naknade i takse po federalnim zakonima i drugim propisima	389.000	451.061	413.054	62.061	116,0
Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	2.500	2.528	2.164	28	101,1
Neplanirane uplate – prihodi	37.000	33.691	9.209	-3.309	91,1
Novčane kazne	2.500	225		-2.275	9,0
Drugi tekući prihodi	500		0	-500	0,0
<b>PRIMLJENI TRANSFERI I DONACIJE (od 11 do 16)</b>	<b>4.279.000</b>	<b>3.872.634</b>	<b>4.084.941</b>	<b>-406.366</b>	<b>90,5</b>
<b>11. Primljeni tekući transferi od inostranih vlada i međunarodnih organizacija</b>	<b>5.000</b>	<b>0</b>	<b>5.177</b>	<b>-5.000</b>	<b>0,0</b>
<b>12. Primljeni tekući transferi od ostalih nivoa vlasti</b>	<b>768.000</b>	<b>966.238</b>	<b>588.332</b>	<b>198.238</b>	<b>125,8</b>
<b>13. Primljeni kapitalni transferi od inostranih vlada</b>	<b>17.000</b>			<b>-17.000</b>	<b>0,0</b>
<b>14. Kapitalni transferi od ostalih nivoa vlasti i fondova</b>	<b>3.364.000</b>	<b>2.869.646</b>	<b>3.282.857</b>	<b>-494.354</b>	<b>85,3</b>
<b>15. Kapitalni transferi iz nevladinih izvora</b>	<b>20.000</b>	<b>7.750</b>	<b>201.975</b>	<b>-12.250</b>	<b>38,8</b>
<b>16. Donacije</b>	<b>105.000</b>	<b>29.000</b>	<b>6.600</b>	<b>-76.000</b>	<b>27,6</b>

	<b>II RASHODI (od 1 do 7)</b>	<b>11.248.950</b>	<b>9.098.255</b>	<b>11.284.768</b>	<b>-2.150.695</b>	<b>80,9</b>
<b>1.</b>	<b>Plaće i naknade troškova zaposlenih</b>	<b>2.039.000</b>	<b>1.994.873</b>	<b>1.903.545</b>	<b>-44.127</b>	<b>97,8</b>
	Bruto plaće i naknade plaća	1.796.000	1.757.535	1.656.456	-38.465	97,9
	Naknade troškova zaposlenih	243.000	237.338	247.089	-5.662	97,7
<b>2.</b>	<b>Doprinosi poslodavca i ostali doprinosi</b>	<b>190.000</b>	<b>185.718</b>	<b>174.044</b>	<b>-4.282</b>	<b>97,7</b>
<b>3.</b>	<b>Izdaci za materijal, sitan inventar i usluge</b>	<b>1.054.400</b>	<b>814.738</b>	<b>897.693</b>	<b>-239.662</b>	<b>77,3</b>
	Putni troškovi	5.700	31	7.798	-5.669	0,5
	Izdaci za energiju	95.750	79.815	76.891	-15.935	83,4
	Izdaci za komunikaciju i komunalne usluge	87.100	76.259	80.363	-10.841	87,6
	Nabavka materijala i sitnog inventara	52.500	37.827	47.072	-14.673	72,1
	Izdaci za usluge prevoza i goriva	19.000	11.802	17.442	-7.198	62,1
	Unajmljivanje imovine, opreme i nematerijalne imovine	32.000	22.282	28.006	-9.718	69,6
	Izdaci za tekuće održavanje	34.200	23.511	28.490	-10.689	68,7
	Izdaci osiguranja, bankarskih usluga i usluga platnog prometa	18.000	13.014	11.868	-4.986	72,3
	Ugovorene i druge posebne usluge	710.150	550.197	599.763	-159.953	77,5
<b>4.</b>	<b>Tekući transferi i drugi tekući rashodi</b>	<b>2.757.250</b>	<b>2.486.397</b>	<b>2.306.761</b>	<b>-270.853</b>	<b>90,2</b>
	Tekući transferi drugim nivoima vlasti	478.000	452.073	375.560	-25.927	94,6
	Tekući transferi pojedincima	958.800	913.139	918.078	-45.661	95,2
	Tekući transferi neprofitnim organizacijama	576.450	461.072	735.788	-115.378	80,0
	Subvencije javnim preduzećima	47.000	43.994	976	-3.006	93,6
	Subvencije privatnim preduzećima i poduzetnicima	642.000	614.119	261.484	-27.881	95,7
	Subvencije finansijskim institucijama	0	0	0	0	0
	Tekući transferi u inostranstvo	0	0	0	0	0
	Drugi tekući rashodi	55.000	2.000	14.875	-53.000	3,6
<b>5.</b>	<b>Kapitalni transferi</b>	<b>5.120.300</b>	<b>3.593.077</b>	<b>5.986.727</b>	<b>-1.527.223</b>	<b>70,2</b>
	Kapitalni transferi drugim nivoima vlasti	2.210.500	1.533.435	2.385.247	-677.065	69,4
	Kapitalni transferi pojedincima	40.000	35.521	48.362	-4.479	88,8
	Kapitalni transferi neprofitnim organizacijama	2.241.500	1.534.988	2.857.428	-706.512	68,5
	Kapitalni transferi javnim preduzećima	628.300	489.133	695.690	-139.167	77,9
	Kapitalni transferi privatnim pred. i poduzetnicima	0	0	0	0	0
	Kapitalni transferi finansijskim institucijama	0	0	0	0	0
	Kapitalni transferi u inostranstvo	0	0	0	0	0
<b>6.</b>	<b>Izdaci za kamate</b>	<b>24.000</b>	<b>23.452</b>	<b>15.998</b>	<b>-548</b>	<b>97,7</b>
	Kamate na pozajmice primljene kroz Državu	0	0	0	0	0
	Izdaci za inostrane kamate	0	0	0	0	0
	Kamate na domaće pozajmljivanje	24.000	23.452	15.998	-548	97,7
	Izdaci za kamate vezane za dug po izdatim garancijama	0	0	0	0	0
<b>7.</b>	<b>Tekuća budžetska rezerva</b>	<b>64.000</b>				
	<b>TEKUĆI SUFICIT (TEKUĆI DEFICIT) (I-II)</b>	<b>368.050</b>	<b>2.524.083</b>	<b>1.774.746</b>	<b>2.156.033</b>	<b>685,8</b>
	<b>III TRANSAKCIJE U STALNIM SREDSTVIMA</b>					
<b>1.</b>	<b>Primici od prodaje stalnih sredstava</b>	<b>730.000</b>	<b>519.968</b>	<b>803.513</b>	<b>-210.032</b>	<b>71,2</b>
	Primici od prodaje stalnih sredstava	730.000	519.968	803.513	-210.032	71,2
	Primici od prodaje federalnih robnih rezervi	0	0	0	0	0
	Ostali kapitalni primici	0	0	0	0	0
<b>2.</b>	<b>Izdaci za nabavku stalnih sredstava</b>	<b>3.518.850</b>	<b>3.051.497</b>	<b>3.867.554</b>	<b>-467.353</b>	<b>86,7</b>
	Nabavka zemljišta, šuma i višegodišnjih zasada	276.000	217.069	194.937	-58.931	78,6
	Nabavka građevina	255.000	250.154	335.722	-4.846	98,1
	Nabavka opreme	137.050	132.743	61.873	-4.307	96,9
	Nabavka ostalih stalnih sredstava	0	0	0	0	0
	Nabavka stalnih sredstava u obliku prava	172.000	108.272	106.584	-63.728	62,9
	Rekonstrukcija i investiciono održavanje	2.678.800	2.343.259	3.168.438	-335.541	87,5
	<b>NETO NABAVKA STALNIH SREDSTAVA (2-1)</b>	<b>2.788.850</b>	<b>2.531.529</b>	<b>3.064.041</b>	<b>-257.321</b>	<b>90,8</b>
	<b>A. NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (Tekući suficit/deficit – Neto nabavka stalnih sredstava)</b>	<b>-2.420.800</b>	<b>-7.446</b>	<b>-1.289.295</b>	<b>2.413.354</b>	<b>0,3</b>
	<b>IV TRANSAKCIJE U FINANSIJSKOJ IMOVINI</b>	<b>0</b>	<b>0</b>	<b>0</b>	<b>0</b>	<b>0</b>

<b>1. Primici od finansijske imovine</b>	0	0	0	0	0
Primljene otplate od pozajmljivanja drugim nivoima vlasti	0	0	0	0	0
Primljene otplate od pozajmljivanja pojedincima i neprofitnim organizacijama	0	0	0	0	0
Primljene otplate od pozajmljivanja javnim preduzećima	0	0	0	0	0
Primitak sredstava po osnovu učešća u dionicama javnih preduzeća	0	0	0	0	0
Primitak sredstava po osnovu učešća u dionicama privatnih preduzeća i u zajedničkim ulaganjima	0	0	0	0	0
Primljene otplate od ostalih vidova domaćeg pozajmljivanja	0	0	0	0	0
Primljene otplate od pozajmljivanja u inostranstvo	0	0	0	0	0
<b>2. Izdaci za finansijsku imovinu</b>	0	0	0	0	0
Pozajmljivanje drugim nivoima vlasti	0	0	0	0	0
Pozajmljivanje pojedincima, neprofitnim organizacijama i privatnim preduzećima	0	0	0	0	0
Pozajmljivanje javnim preduzećima	0	0	0	0	0
Izdaci za kupovinu dionica javnih preduzeća	0	0	0	0	0
Izdaci za kupovinu dionica privatnih preduzeća i učešće u zajedničkim ulaganjima	0	0	0	0	0
Ostala domaća pozajmljivanja	0	0	0	0	0
Pozajmljivanje u inostranstvo	0	0	0	0	0
<b>B. NETO POVEĆANJE (SMANJENJE) FINANSIJSKE IMOVINE (1-2)</b>	0	0	0	0	0
<b>V TRANSAKCIJE U FINANSIJSKIM OBAVEZAMA</b>	0	0	0	0	0
<b>1. Primici od zaduživanja</b>	<b>0</b>	<b>0</b>	<b>1.200.000</b>	<b>0</b>	
<b>Primici od dugoročnog zaduživanja</b>	<b>0</b>	<b>0</b>	<b>1.200.000</b>	<b>0</b>	
Zajmovi primljeni kroz Državu	0	0	0	0	0
Primici od inostranog zaduživanja	0	0	0	0	0
Primici od domaćeg zaduživanja	0	0	1.200.000	0	
<b>Primici od kratkoročnog zaduživanja</b>	<b>0</b>	<b>0</b>	<b>0</b>	<b>0</b>	
Zajmovi primljeni kroz Državu	0	0	0	0	0
Primici od inostranog zaduživanja	0	0	0	0	0
Primici od domaćeg zaduživanja	0	0	0	0	0
<b>2. Izdaci za otplate dugova</b>	<b>162.200</b>	<b>162.119</b>	<b>156.369</b>	<b>-81</b>	<b>100,0</b>
Otplate dugova primljenih kroz Državu	0	0	0	0	0
Vanjske otplate	0	0	0	0	0
Otplate domaćeg pozajmljivanja	162.200	162.119	156.369	-81	100,0
Otplate unutarnjeg duga	0	0	0	0	0
Otplate duga po izdatim garancijama	0	0	0	0	0
Otkup duga	0	0	0	0	0
<b>C. NETO ZADUŽIVANJE (NETO OTPLATE DUGOVA) (1-2)</b>	<b>-162.200</b>	<b>-162.119</b>	<b>1.043.631</b>	<b>81</b>	<b>100,0</b>
<b>UKUPAN FINANSIJSKI REZULTAT (A+B+C)</b>	<b>-2.583.000</b>	<b>-169.565</b>	<b>-245.664</b>	<b>2.413.435</b>	<b>6,6</b>

Rukovodstvo je Godišnji izvještaj o izvršenju budžeta za 2020. godinu odobrilo 19. 2. 2021. godine.

**Načelnik  
Akif Fazlić**

<b>Bilans stanja na 31. 12. 2020. godine</b>			
<b>Naziv institucije: Općina Ilijaš</b>			
<b>Opis</b>	<b>U obračunskom periodu tekuće godine</b>	<b>U istom obračunskom periodu prethodne godine</b>	<b>Procenat (2/3)x100</b>
<b>1</b>	<b>2</b>	<b>3</b>	<b>4</b>
<b>I AKTIVA</b>			
<b>A. Gotovina, kratkoročna potraživanja, razgraničenja i zalihe (1+...+8)</b>	<b>4.340.337</b>	<b>4.350.208</b>	<b>99,8%</b>
1. Novčana sredstva i plemeniti metali	3.180.946	2.833.020	112,3%
2. Vrijednosni papiri			
3. Kratkoročna potraživanja	315.711	297.849	106,0%
4. Kratkoročni plasmani			
5. Finansijski i obračunski odnosi s drugim povezanim jedinicama			
6. Zalihe materijala i robe	19.800	19.800	100,0%
7. Zalihe sitnog inventara			
8. Kratkoročna razgraničenja	823.880	1.199.539	68,7%
<b>B. Stalna sredstva (11+14+17+18)</b>	<b>37.624.593</b>	<b>35.051.505</b>	<b>107,3%</b>
9. Stalna sredstva	41.819.968	38.701.510	108,1%
10. Ispravka vrijednosti stalnih sredstava	4.265.235	3.719.865	114,7%
11. Neotpisana vrijednost stalnih sredstava (9-10)	37.554.733	34.981.645	107,4%
12. Dugoročni plasmani	69.860	69.860	100,0%
13. Ispravka vrijednosti dugoročnih plasmana			
14. Neotpisana vrijednost dugoročnih plasmana (12-13)	69.860	69.860	100,0%
15. Vrijednosni papiri			
16. Ispravka vrijednosti vrijednosnih papira			
17. Neotpisana vrijednost vrijednosnih papira (15-16)	0	0	
18. Dugoročna razgraničenja			
<b>UKUPNO AKTIVA (A+B)</b>	<b>41.964.930</b>	<b>39.401.713</b>	<b>106,5%</b>
<b>II PASIVA</b>			
<b>C. Kratkoročne obaveze i razgraničenja (19+...+24)</b>	<b>1.926.598</b>	<b>1.766.903</b>	<b>109,0%</b>
19. Kratkoročne tekuće obaveze	702.578	1.040.419	67,5%
20. Obaveze po osnovu vrijednosnih papira			
21. Kratkoročni krediti i zajmovi			
22. Obaveze prema zaposlenicima	170.314	157.710	108,0%
23. Finansijski i obračunski odnosi s drugim povezanim jedinicama			
24. Kratkoročna razgraničenja	1.053.706	568.774	185,3%
<b>D. Dugoročne obaveze i razgraničenja (25+26+27)</b>	<b>944.995</b>	<b>1.107.115</b>	<b>85,4%</b>
25. Dugoročni krediti i zajmovi	944.995	1.107.115	85,4%
26. Ostale dugoročne obaveze			
27. Dugoročna razgraničenja			
<b>E. Izvori stalnih sredstava (28+29+30+31-32)</b>	<b>39.093.337</b>	<b>36.527.695</b>	<b>107,0%</b>
28. Izvori stalnih sredstava	36.679.598	33.944.391	108,1%
29. Ostali izvori sredstava			
30. Izvori sredstava rezervi			
31. Neraspoređeni višak prihoda nad rashodima	2.413.739	2.583.304	93,4%
32. Neraspoređeni višak rashoda nad prihodima			
<b>UKUPNO PASIVA (C+D+E)</b>	<b>41.964.930</b>	<b>39.401.713</b>	<b>106,5%</b>

Rukovodstvo je Bilans stanja na 31. 12. 2020. godine odobrilo 19. 2. 2021. godine.

**Načelnik  
Akif Fazlić**



Izveštaj o novčanim tokovima za period izvještavanja od 1. 1. do 31. 12. 2020. godine		
Naziv institucije: Općina Ilijaš		
Redni broj	Pozicija	Iznos u KM
1	2	3
	<b>I NOVČANI PRIMICI</b>	
1	Prihodi (od 2 do 6)	12.274.062
2	Prihodi od poreza	5.660.448
3	Neporezni prihodi	2.057.839
4	Tekući transferi (transferi i donacije)	1.128.558
5	Kapitalni transferi	3.427.217
6	Prihodi po osnovu zaostalih obaveza	
7	<b>Kapitalni primici i transferi (8)</b>	<b>517.935</b>
8	Kapitalni primici od prodaje stalnih sredstava	517.935
9	<b>Finansiranje (od 10 do 12)</b>	<b>0</b>
10	Primici od finansijske imovine	
11	Primici od dugoročnog zaduživanja	
12	Primici od kratkoročnog zaduživanja	
13	<b>UKUPNI NOVČANI PRIMICI (1 + 7 + 9)</b>	<b>12.791.997</b>
	<b>II NOVČANE ISPLATE</b>	
14	<b>Rashodi (od 16 do 21)</b>	<b>9.100.276</b>
16	Plaće i naknade troškova zaposlenih	1.984.605
17	Doprinosi poslodavca i ostali doprinosi	185.040
18	Izdaci za materijal, sitni inventar i usluge	819.101
19	Tekući transferi i drugi tekući rashodi	2.400.944
20	Kapitalni transferi	3.687.134
21	Izdaci za kamate	23.452
22	<b>Kapitalni izdaci (redni broj 23)</b>	<b>3.181.676</b>
23	Izdaci za nabavku stalnih sredstava	3.181.676
24	<b>Finansiranje (25 + 26)</b>	<b>162.119</b>
25	Izdaci za finansijsku imovinu	
26	Izdaci za otplate dugova	162.119
27	<b>UKUPNE NOVČANE ISPLATE (15 + 22 + 24)</b>	<b>12.444.071</b>
28	<b>NETO NOVČANI PRIMICI/ISPLATE (13-27) ili (27-13)</b>	<b>347.926</b>
29	<b>SALDO GOTOVINE NA POČETKU GODINE</b>	<b>2.833.020</b>
30	<b>SALDO GOTOVINE NA KRAJU GODINE (28 + 29)</b>	<b>3.180.946</b>

Rukovodstvo je Izveštaj o novčanim tokovima za period izvještavanja od 1. 1. do 31. 12. 2020. godine odobrilo 19. 2. 2021. godine.

Načelnik  
Akif Fazlić